





藏書大臣傳卷十一

五忠誠大臣

樂毅

樂毅者其先祖曰樂羊。樂毅賢好兵。聞燕昭王以子之之亂而齊大敗燕。燕昭王怨齊。屈身下士。先禮郭隗以招賢者。樂毅于是爲魏昭王使於燕。燕王以客禮待之。樂毅辭讓。遂委質爲臣。燕昭王以爲亞卿。久之。當是時。齊湣王彊。南敗楚。相唐昧于重丘。西摧三晉于觀津。遂與三晉擊秦。助趙滅中山。破宋。廣地千餘里。諸侯皆欲背秦而服於齊。湣王自矜。百姓弗堪。於是燕昭王問伐齊之事。樂毅對曰。



齊霸國之餘業也。地大人衆，習于兵戰，未易獨攻也。王若欲圖之，莫若結趙及楚。魏於是使樂毅約趙惠文王，別使連楚魏，令趙啗秦以伐齊之利。諸侯害齊湣王之驕暴，皆爭合從與燕伐齊。樂毅還報燕昭王，悉起兵，使樂毅爲上將軍，趙惠文王以相國印授樂毅。樂毅於是并護趙、楚、韓、魏、燕之兵，以伐齊，破之濟西。諸侯兵罷歸，而燕軍樂毅獨追。至于臨菑，齊湣王之敗濟西，亡走保於莒。樂毅獨留徇齊。齊皆城守。樂毅攻入臨菑，盡取齊寶財物、祭器，輸之燕。燕昭王大悅，親至濟上勞軍，行賞饗士，封樂毅于昌國，號爲昌國君。於是燕昭王收齊鹵獲以歸，而使樂毅復以兵。

平齊城之不下者樂毅畱狗齊五歲下齊七十餘城皆爲郡縣以屬燕唯獨莒卽墨未服會燕昭王歿子立爲燕惠王惠王自爲太子時常不快於樂毅及卽位齊之田單聞之乃縱反間於燕於是燕惠王乃使騎劫代將而召樂毅樂毅知燕惠王之不善代之畏誅遂西降趙趙封樂毅於觀津號曰望諸君尊寵樂毅以警動於燕齊田單後與騎劫戰果設詐誑燕軍遂破騎劫於卽墨下而轉戰逐燕北至河上盡復得齊城而迎襄王於莒入于臨菑燕惠王後悔使騎劫代樂毅乃使人讓樂毅且謝之樂毅報遺燕惠王書曰臣不佞不能奉承王命以順左右之心恐傷先

王○之○明○有○害○足○下○之○義○故○逃○遁○走○趙○今○足○下○使○人○數○之○以○
罪○臣○恐○侍○御○者○不○察○先○王○之○所○以○畜○幸○臣○之○理○又○不○白○臣○
之○所○以○事○先○王○之○心○故○敢○以○書○對○臣○聞○賢○聖○之○君○不○以○祿○
私○親○其○功○多○者○賞○之○其○能○當○者○處○之○故○察○能○而○授○官○者○成○
功○之○君○也○論○行○而○結○交○者○立○名○之○士○也○臣○竊○觀○先○王○之○舉○
也○見○有○高○世○主○之○心○故○假○節○于○魏○以○身○得○察○于○燕○先○王○過○
舉○則○之○賓○客○之○中○立○之○羣○臣○之○上○不○謀○父○兄○以○爲○亞○卿○臣○
竊○不○自○知○自○以○爲○奉○令○承○教○可○幸○無○罪○故○受○令○而○不○辭○先○
王○命○之○曰○我○有○積○怨○深○怒○於○齊○不○量○輕○弱○而○欲○以○齊○爲○事○
臣○曰○夫○齊○霸○國○之○餘○業○而○最○勝○之○遺○事○也○練○於○兵○甲○習○於○

戰攻王若欲伐之必與天下圖之與天下圖之莫若結於趙且又淮北宋地楚魏之所欲也趙若許而約四國攻之齊可大破也先王以爲然具符節南使臣於趙顧反命起兵擊齊以天之道先王之靈河北之地隨先王而舉之濟上濟上之軍受命擊齊大敗齊人輕卒銳兵長驅至國齊王遁而走莒僅以身免珠王財寶車甲珍器盡收入于燕齊器設于寧臺大呂陳于元英故鼎反乎磨室薊丘之植植于汶篁自五伯以來功未有及先王者也先王以爲慊於志故裂地而封之使得比小國諸侯臣竊不自知自以爲奉命承教可幸無罪是以受命不辭臣聞賢聖之君功

立而不廢。故著於春秋。蚤知之士。名成而不毀。故稱於後世。若先王之報怨雪恥。夷萬乘之疆國。收八百歲之蓄積。及至棄羣臣之日。餘教未衰。執政任事之臣。修法令。慎庶孽。施及乎萌隸。皆可以教後世。臣聞之。善作者。不必善成。善始者。不必善終。昔伍子胥說聽於闔閭。而吳王遠迹至郢。夫差弗是也。賜之鴟夷。而浮之江。吳王不寤先論之可。以立功。故沉子胥。而不悔。子胥不早見主之不同量。是以至於入江。而不化。夫免身立功。以明先王之迹。臣之上計也。離毀辱之誹謗。墮先王之名。臣之所大恐也。臨不測之罪。以幸爲利。義之所不敢出也。臣聞古之君子。交絕不出。

惡聲忠臣去國不潔其名臣雖不佞數奉教于君子矣恐侍御者之親左右之說不察疎遠之行故敢獻書以聞唯君王之留意焉於是燕王復以樂毅子樂間爲昌國君而樂毅往來復通燕燕趙以爲客卿樂毅卒于趙

藺相如

何、嫌、從、官、豎、起、家、乎、

藺相如者趙人也爲趙宦者令繆賢舍人趙惠文王時得楚和氏璧秦昭王聞之使人遺趙王書願以十五城請易璧趙王與大將軍廉頗諸大臣謀欲予秦秦城恐不可得徒見欺欲勿予卽患秦兵之來計未定求人可使報秦者未得宦者令繆賢曰臣舍人藺相如可使王問何以知之

繆賢身邊反有大賢乎可敬也

對曰臣常有罪竊計欲亡走燕臣舍人相如止臣曰君何以知燕王臣語曰臣常從大王與燕王會境上燕王私握臣手曰願結友以此知之故欲往相如謂臣曰夫趙彊而燕弱而君幸於趙王故燕王欲結于君今君乃亡趙走燕燕畏趙其勢必不敢留君而束君歸趙矣君不如肉袒伏斧質請罪則幸得脫矣臣從其計大王亦幸赦臣臣竊以爲其人勇士有智謀空可使於是王召見問藺相如曰秦王以十五城請易寡人之璧可予不相如曰秦彊而趙弱不可不許王曰取吾璧不予我城奈何相如曰秦以城求璧而趙不許曲在趙趙予璧而秦不予趙城曲在秦均之

一策寧許以負秦曲。王曰：誰可使者？相如曰：王必無人，臣願奉璧往，使城入趙而璧留秦。城不入，臣請完璧歸趙。趙王於是遂遣相如奉璧西入秦。秦王坐章臺見相如，相如奉璧奏秦王。秦王大喜，傳以示美人及左右，左右皆呼萬歲。相如視秦王無意償趙城，乃前曰：璧有瑕，請指示王。王授璧，相如因持璧却立，倚柱，怒髮上衝冠，謂秦王曰：大王欲得璧，使人發書至趙王，趙王悉召羣臣議，皆曰：秦貪負其彊，以空言求璧，償城恐不可得，議不欲予秦璧。臣以爲布衣之交，尚不相欺，況大國乎？且以一璧之故，逆彊秦之歡，不可。於是趙王乃齋戒五日，使臣奉璧，拜送書於廷。何

兩言遂定如持左券

者嚴大國之威以修敬也。今臣至，大臣見臣，列觀禮節甚倨，得璧，傳之美人，以戲弄臣。臣觀大王無意償趙王城邑，一夫決一死，萬乘莫當秦王。愛璧相如，欲碎璧，故入其計也。故臣復取璧，大王必欲急臣。臣頭今與璧俱碎於柱矣。相如持其璧睨柱，欲以擊柱。秦王恐其破璧，乃辭謝，固請，召有司案圖，指從此以往十五都予趙。相如度秦王特以詐佯為予趙城，實不可得，乃謂秦王曰：「和氏璧天下所共傳寶也。趙王恐不敢不獻。趙王送璧時，齋戒五日。今大王亦此謂九如乃可歸璧。空齋戒五日，設九賓於廷，臣乃敢上璧。秦王度之，終不可彊奪，遂許齋五日。舍相如廣成傳舍。相如度秦王雖齋，決負約不償城，乃使其使者衣褐懷其璧，從徑道亡歸璧于

趙此時秦王在相如掌握之中矣秦王齎五日後乃設九賓禮于庭外引趙使者藺相如

相如至謂秦王曰秦自繆公以來二十餘君未嘗有堅明

約束者也臣誠恐見欺於王而負趙故令人持璧歸聞至

趙矣且秦彊而趙弱大王遣一介之使至趙趙立奉璧來

今以秦之彊而先割十五城予趙趙豈敢畱璧而得罪於

大王乎臣知欺大王之罪當誅臣請就湯鑊唯大王與羣

臣熟計議之秦王與羣臣相視而嘻左右或欲引相如去

秦王因曰今殺相如終不能得璧也而絕秦趙之歡不如

因而厚遇之使歸趙趙王豈以一璧之故欺秦邪卒廷見

相如畢禮而歸之相如既歸趙王以爲賢拜爲上大夫秦

秦○王○本○是○奸○雄○者○勢○必○如○此○禮○相○如○也

冷笑無味秦王一生只受此人

亦不以城與趙。趙亦終不與秦璧。其後秦王使使者告趙

王，欲與王為好會于西河外澠池。趙王畏秦，欲毋行。廉頗

藺相如計曰：王不行，示趙弱且怯也。趙王遂行，相如從。廉

頗送至境，與王訣曰：王行，度道理會遇之禮畢，還不過三

十日，三十日不還，則請立太子為王，以絕秦望。王許之，遂

與秦王會澠池。秦王飲酒酣，曰：寡人竊聞趙王好音，請奏

瑟。趙王鼓瑟，秦御史前書曰：某年月日，秦王與趙王會飲，

令趙王鼓瑟。藺相如前曰：趙王竊聞秦王善為秦聲，請奏

盆鈺。秦王以相娛樂，秦王怒，不許。於是相如進鈺，因跪請

秦王。秦王不肯擊鈺。相如曰：五步之內，相如請得以頸血

又來了

是

頗亦通甚

氣壓秦王

賤大王矣。左右欲刃相如，相如張目叱之，左右皆靡。於是秦王不懌，爲一擊鉞。相如顧召趙御史書曰：「某年月日，秦王爲趙王擊鉞。」秦王竟酒，終不能加勝於趙。趙亦盛設兵以待秦，秦不敢動。旣罷歸國，以相如功大，拜爲上卿。位在廉頗之右。廉頗曰：「我爲趙將，有攻城野戰之大功，而藺相如徒以口舌之勞，位居我上；我見相如，必辱之。」相如聞，不肯與會。相如每朝時，常稱病，不欲與廉頗爭列。已而相如出望見廉頗，相如引車避匿。於是舍人相與諫，藺相如欲辭去，相如固止之，曰：「公之視廉將軍孰與秦王？」曰：「不若也。」相如曰：「夫以秦王之威，而相如廷叱之，辱其羣臣，相如雖

節節見相如智勇俱妙

驚獨畏廉將軍哉。顧吾念之，彊秦之所以不敢加兵於趙者，徒以吾兩人在也。今兩虎共鬪，其勢不俱生。吾所以爲此者，先國家之急而後私讐也。廉頗聞之，肉袒負荊，因賓客至蔺相如門謝罪，曰：「鄙賤之人，不知將軍寬之至此也。」卒相與歡，爲刎頸之交。

卓吾曰：言有重於泰山，相如是也。相如真丈夫，真男子，真大聖人，真大阿羅漢，真菩薩，真佛祖，真令人千載如見也。

魯仲連

魯仲連者，齊人也。好奇偉倬儻之畫策，而不肯仕宦任職。好持高節，游于趙。趙孝成王時，而秦王使白起破趙長平

之軍前後四十餘萬、秦兵遂東圍邯鄲、趙王恐、魏王使客
將軍新垣衍間入邯鄲、因平原君謂趙王曰、秦所爲急圍
趙者、前與齊湣王爭彊爲帝、已而復歸帝、今齊湣王已益
弱、方今唯秦雄天下、此非必貪邯鄲、其意欲復求爲帝、趙
誠發使尊秦昭王爲帝、秦必喜、罷兵去、此時魯仲連適游
趙、乃見平原君曰、事將奈何、平原君曰、勝也何敢言事、前
亡四十萬之衆於外、今又內圍邯鄲而不能去、魏王使客
將軍新垣衍令趙帝秦、今其人在是、勝也何敢言事、魯仲
連曰、吾始以君爲天下之賢公子也、吾乃今然後知君非
天下之賢公子也、梁客新垣衍安在、吾請爲君責而歸之、

倣儻○画○策○

平原君曰勝請爲紹介而見之於先生魯連見新垣衍而

無言新垣衍曰吾視居此圍城之中者皆有求於平原君

者也今吾觀先生之玉貌非有求於平原君者也曷爲久

居此圍城之中而不去魯仲連曰世以鮑焦爲無從頌而

死者皆非也衆人不知則爲一身彼秦者棄禮義而尚首

功之國也權使其士虜使其民彼卽肆然而爲帝過而爲

政於天下則連有蹈東海而死耳吾不忍爲之民也所爲

見將軍者欲以助趙也新垣衍曰先生助之將奈何魯連

曰吾將使梁及燕助之齊楚則固助之矣新垣衍曰燕則

吾請以從矣若乃梁者則吾乃梁人也先生惡能使梁助

之魯連曰梁未睹秦稱帝之害故耳使梁睹秦稱帝之害則必助趙矣新垣衍曰秦稱帝之害何如魯連曰昔者齊威王嘗爲仁義矣率天下諸侯而朝周周貧且微諸侯莫朝而齊獨朝之居歲餘周烈王崩齊後往周怒赴於齊曰天崩地坼天子下席東藩之臣因齊後至則斮齊威王勃然怒曰叱嗟而母婢也卒爲天下笑故生則朝周死則叱之誠不忍其求也彼天子固然其無足怪新垣衍曰先生獨不見夫僕乎十人而從一人者寧力不勝而智不若耶畏之也魯連曰嗚呼梁之比於秦若僕邪新垣衍曰然魯仲連曰吾將使秦王烹醢梁王新垣衍怏然不悅曰噫嘻

絕○妙○絕○妙○不○得○不○助○趙○救○趙

矣夫○既○爲○之○僕○則○烹○醢

任之矣、乃、僕、則、甘、心、烹、醢、刳、快、然、何、也、

亦太甚矣。先生之言也。先生又惡能使秦王烹醢梁王、魯

仲連曰。固也。吾將言之。昔者九侯、鄂侯、文王、紂之三公也。

九侯有子而好獻之於紂。紂以爲惡。醢九侯。鄂侯爭之彊。

辯之疾。故脯鄂侯。文王聞之。喟然而嘆。故拘之羑里之庫。

百日。欲令之死。曷爲與人俱稱王。卒就脯醢之地。齊湣王

將之魯。夷維子爲執策而從。謂魯人曰。子將何以待吾君。

魯人曰。吾將以十太牢待子之君。夷維子曰。子安取禮而

來吾君。彼吾君者。天子也。天子巡狩。諸侯辟舍。納莞簟。攝

衽。抱機。親膳於堂下。天子已食。乃退而聽朝也。魯人投其

籩。不果納。不得入於魯。將之薛。假途於鄒。當是時。鄒君死。

潛王欲入弔夷維子謂鄒之孤曰天子弔主人必將倍殯棺設北面於南方然後天子南面弔也鄒之羣臣曰必若此吾將伏劒而死固不敢入于鄒鄒魯之臣生則不得事養死則不得賻襚然且欲行天子之禮於鄒魯鄒魯之臣不果納今秦萬乘之國也梁亦萬乘之國也俱據萬乘之國各有稱王之名賭其一戰而勝欲從而帝之是使三晉之大臣不如鄒魯之僕妾也且秦無已而帝則且變易諸侯之大臣彼將奪其所不肖而與其所賢奪其所憎而與其所愛彼又將使其子女讒妾爲諸侯妃姬處梁之宮梁王安得晏然而已乎而將軍又何以得故寵乎於是新垣

衍起再拜謝曰始以先生爲庸人吾乃今日知先生爲天
下之士也吾請出不敢復言帝秦秦將聞之爲却軍五十
里適會魏公子無忌奪晉鄙軍以救趙擊秦軍秦軍遂引
而去於是平原君欲封魯連魯連辭讓使者三終不肯受
平原君乃置酒酒酣起前以千金爲魯連壽魯連笑曰所
貴於天下之士者爲人排患釋難解紛亂而無取也卽有
取者是商賈之事也而連不忍爲也遂辭平原君而去終
身不復見其後二十餘年燕將攻下聊城聊城人或讒之
燕燕將懼誅因保守聊城不敢歸齊田單攻聊城歲餘士
卒多歿而聊城不下魯連乃爲書約之矢以射城中遺燕

將書曰、吾聞之、智者不倍時而棄利、勇士不怯死而滅名、忠臣不先身而後君、今公行一朝之忿、不顧燕王之無臣、非忠也、殺身亡聊城而威不信於齊、非勇也、功敗名滅、後世無稱焉、非智也、三者世主不臣、說士不載、故智者不再計、勇士不怯死、今死生榮辱、貴賤尊卑、此時不再至、願公詳計而無與俗同、且楚攻齊之南陽、魏攻平陸、而齊無南面之心、以爲亡南陽之害小、不如得濟北之利大、故定計、審處之、今秦人下兵、魏不敢東面、衡秦之勢、成楚國之形、危齊、棄南陽、斷右壤、定濟北、計猶且爲之也、且夫齊之必決于聊城、公勿再計、今楚魏交退於齊、而燕救不至、以全

齊之兵、無天下之規、與聊城共據期年之敝、則臣見公之不能得也。且燕國大亂、君臣失計、上下迷惑、栗腹以十萬之衆、五折於外、以萬乘之國、被圍於趙、壤削主困、爲天下僇笑、國敝而禍多、民無所歸心。今公又以敝聊之民、距全齊之兵、是墨翟之守也、食人炊骨、士無反外之心、是孫臏之兵也。能見於天下、雖然、爲公計者、不如全車甲以報於燕、車甲全而歸燕、燕王必喜、身全而歸於國、士民如見父母、交游攘臂而議於世、功業可明、上輔孤主、以制羣臣、下養百姓、以資說士、矯國更俗、功名可立也。亡意亦捐燕棄世、東游於齊乎？裂地定封、富比乎陶衛、世世稱孤、與齊久。

存。又。一。計。乎。此。兩。計。者。顯。名。厚。實。也。願。公。詳。計。而。審。處。一。
焉。日。吾。聞。之。規。小。節。者。不。能。成。榮。名。惡。小。恥。者。不。能。立。大。
功。昔。者。管。夷。吾。射。桓。公。中。其。鉤。篡。也。遺。公。子。糾。不。能。死。怯。
也。束。縛。桎。梏。辱。也。若。此。三。行。者。世。主。不。臣。而。鄉。里。不。通。鄉。
使。管。子。幽。囚。而。不。出。身。死。而。不。反。於。齊。則。亦。名。不。免。爲。辱。
人。賤。行。矣。臧。獲。且。羞。與。之。同。名。况。世。俗。乎。故。管。子。不。恥。身。
在。縲。絏。之。中。而。恥。天。下。之。不。治。不。恥。不。死。公。子。糾。而。恥。威。
之。不。信。於。諸。侯。故。兼。三。行。之。過。而。爲。五。霸。首。名。高。天。下。而。
光。燭。鄰。國。曹。子。爲。魯。將。三。戰。三。北。而。亡。地。五。百。里。鄉。使。曹。
子。計。不。反。顧。議。不。還。踵。刎。頸。而。死。則。亦。名。不。免。爲。敗。軍。禽。

善言管仲

善言曹沫

將矣。曹子棄三北之恥而退與魯君計。桓公朝天下。會諸侯。曹子以一劍之任。枝桓公之心於壇坫之上。顏色不變。辭氣不悖。三戰之所亡。一朝而復之。天下震動。諸侯驚駭。威加吳越。若此二士者。非不能成小廉而行小節也。以爲殺身亡軀。絕世滅後。功名不立。非智也。故去感忿之怨。立終身之名。棄忿狃之節。定累世之功。是以業與三王爭流。而名與天壤相弊也。願公擇一而行之。燕將見魯連書。泣三日。猶預不能自決。欲歸燕。已有隙。恐誅。欲降齊。所殺虜於齊甚衆。恐已降而後見辱。喟然嘆曰。與人刃我。寧自刃。乃自殺。聊城亂。田單遂屠聊城。歸而言魯連欲爵之。魯連

逃隱於海上曰吾與富貴而詘於人寧貧賤而輕世肆志焉。

魯連子云齊辯士田巴服徂丘議稷下毀五帝罪三王服五霸離堅白合同異一日服千人有徐劫者其弟子曰魯仲連年十二號千里駒往請田巴曰臣聞堂上不奮郊草不芸白刃交前不救流矢急不暇緩也今楚軍南陽趙伐高唐燕人十萬聊城不去國亡在旦夕先生奈之何若不能者先生之言有似梟鳴出城而人惡之願先生勿復言田巴曰謹聞命矣巴謂徐劫曰先生乃飛兔也豈直千里駒巴終身不談李生曰田巴之談可無魯連子之談不可

無能如魯連之談則終日談可矣談之益於世也甚矣

張良

留侯張良者其先韓人也大父開地相韓昭侯宣惠王襄
哀王父平相釐王悼惠王悼惠王二十三年平卒卒二十

直是怨秦無故夷滅人國

年秦滅韓良年少未宦事韓韓破良家僮三百人弟死不

不專爲報仇也

葬悉以家財求客刺秦王爲韓報仇以大父父五世相韓

故秦皇帝東游良與客狙擊秦皇帝博浪沙中誤中副車

秦皇帝大怒大索天下良乃更名姓亡匿下邳良嘗閒步

遊下邳圯上有一老父衣褐至良所直墮其履圯下顧謂

奇

良曰孺子下取履良愕然欲毆之爲其老強忍下取履父

曰履我良業爲取履因長跪履之父以足受笑而去良殊
大驚隨目之父去里所復還曰孺子可教矣後五日平明
與我會此良因怪之跪曰諾五日平明良往父已先在怒
曰與老人期後何也去曰後五日早會五日雞鳴良往父
又先在復怒曰後何也去曰後五日復早來五日良夜未
半往有頃父亦來喜曰當如是出一編書曰讀此則爲王
者師矣後十年興十三年孺子見我濟北穀城山下黃石
卽我也遂去旦日視其書乃太公兵法也良因異之居下
邳爲任俠項伯常殺人從良匿後十年陳涉等起兵良亦
聚少年百餘人景駒自立爲楚假王在畱良欲往從之道

遇沛公遂屬焉沛公拜良爲廐將良數以太公兵法說沛公沛公善之常用其策良爲他人言皆不省良曰沛公殆天授及沛公之薛見項梁項梁立楚懷王良乃說項梁曰君已立楚後而韓諸公子橫陽君成賢可立爲王益樹黨項梁使良求韓成立以爲韓王以良爲韓司徒與韓王將千餘人西略韓地得數城秦輒取之往來爲游兵潁川沛公之從雒陽南出轅轅良引兵從沛公下韓十餘城擊破楊雄軍沛公乃令韓王成畱守楊翟與良俱南攻下宛西入武關沛公欲以兵二萬人擊秦嶢下軍良說曰秦兵尚强未可輕臣聞其將屠者子賈豎易動以利願沛公且畱

壁使人先行爲五萬人具食益張旗幟諸山上爲疑兵令酈食其持重寶啗秦將秦將果叛欲連和俱西襲咸陽沛公欲聽之良曰此獨其將欲叛耳恐士卒不從不從必危不如因其懈擊之沛公乃引兵擊秦軍大破之遂北至藍田再戰秦兵竟敗遂至咸陽秦王子嬰降沛公沛公入秦宮宮室帷帳狗馬重寶婦女以千數意欲畱居之樊噲諫不聽良曰夫秦爲無道故沛公得至此夫爲天下除殘賊交綰素爲資今始入秦卽安其樂此所謂助桀爲虐且忠言逆耳利於行毒藥苦口利於病願沛公聽樊噲言沛公乃還軍霸上項羽至鴻門下欲擊沛公項伯乃夜馳入沛

公軍私見張良欲與俱去良曰臣爲韓王送沛公今事有急亡去不義乃具以語沛公沛公大驚曰爲將奈何良乃固要項伯項伯見沛公沛公與飲爲壽結賓婚令項伯具言沛公不敢倍項羽所以距關者備他盜也及見項羽後解語在項羽事中漢元年正月沛公爲漢王王巴蜀漢王賜良金百鎰珠二斗良具以獻項伯漢王亦因令良厚遺項伯使請漢中地項王乃許之遂得漢中地漢王之國良送至褒中遣良歸韓良因說漢王曰王何不燒絕所過棧道示天下無還心以固項王意乃使良行燒絕棧道良至韓韓王成以良從漢王故項王以成之國從與俱東

良說項王曰。漢王燒絕棧道。無還心矣。乃以齊王田榮反。書告項王。項王以此無西憂。漢心而發兵北擊齊。項王竟不肯遣韓王。乃以爲侯。又殺之。彭城良亡。間行歸漢王。漢王亦已還定三秦矣。復以良爲成信侯。從東擊楚。至彭城。漢敗而還。至下邑。漢王下馬据鞍而問曰。吾欲捐關以東等棄之。誰可與共功者。良進曰。九江王黥布。楚梟將。與項王有郤。彭越與齊王田榮反。梁地此兩人可急使。而漢王之將獨韓信可屬大事。當一面。卽欲捐之。捐之此三人則死。不可破矣。漢王乃遣隋何說九江王布。而使人連彭越及魏王豹。反使韓信將兵擊之。因舉燕代齊趙。然卒破楚者。

此三人力也。張良多病，未常特將也。常爲畫策臣，時時從漢王。漢三年，項羽急圍漢王於滎陽。漢王恐憂，與酈食其謀撓楚權，食其勸立六國後。漢王曰：「善。」趣刻印。先生因行佩之矣。食其未行，張良從外來謁。漢王方食，曰：「子房前客有爲我計撓楚權者，具以酈生語告於子房，曰：『何如？』」良曰：「誰爲陛下畫此計者？陛下事去矣。」漢王曰：「何哉？」張良對曰：「臣請藉前箸爲大王籌之。」漢王聞良籌畫，輟食吐哺，罵曰：「豎儒幾敗而公事！」令趣銷印。漢四年，韓信破齊而欲自立爲齊王。漢王怒，張良說漢王。漢王使良授齊王信印，語在淮陰事中。其秋，漢王追楚至陽夏南，戰不利，而壁固陵。諸侯

期不至。良說漢王。漢王用其計。諸侯皆至。語在項籍事中。
漢六年正月。封功臣。良未嘗有戰鬪功。高帝曰。運籌策帷
帳中。決勝千里外。子房功也。自擇齊三萬戶。良曰。始臣起
下邳。與上會。留此。天以臣授陛下。陛下用臣計。幸而時中。
臣願封留足矣。不敢當三萬戶。乃封張良爲留侯。與蕭何
等俱封。留侯性多病。卽道引。不食穀。杜門不出。歲餘。上欲
廢太子。立戚夫人子趙王如意。大臣多諫爭。呂后乃使建
成侯呂澤劫留侯曰。君嘗爲上謀臣。今上欲易太子。君安
得高枕而臥乎。留侯曰。始上數在困急之中。幸用臣策。今
天下安定。以愛欲易太子。骨肉之間。雖臣等百餘人。何益。

呂澤彊要曰。爲我畫計。留侯曰。此難以口舌爭也。顧上有不能致者。天下有四人。四人者。年老矣。皆以爲上慢侮人。故逃匿山中。義不爲漢臣。然上高此四人。今公誠能無愛金玉璧帛。令太子爲書。卑辭安車。因使辯士固請。安來來。以爲客。時時從入朝。令上見之。則必異而問之。問之上。知獨知高祖心。中事。

此四人賢則一助也。於是呂后令呂澤使人奉太子書。卑辭厚禮。迎此四人。四人至。客建成侯所。漢十二年。上從擊破布軍歸。疾益甚。愈欲易太子。留侯諫不聽。因疾不視事。叔孫太傅稱說引古今。以死爭太子。上詳許之。猶欲易之。及燕置酒。太子侍。四人從太子。年皆八十有餘。鬚眉皓白。

衣冠甚偉。上怪之。問曰：彼何爲者？四人前對，各言名姓。曰：東園公、角里先生、綺里季、夏黃公。上乃大驚曰：吾求公數歲，公辟逃我。今公何自從吾兒游乎？四人皆曰：陛下輕士，善罵臣等，義不受辱，故恐而亡匿。竊聞太子爲人仁孝，恭敬愛士，天下莫不延頸欲爲太子死。故臣等來耳。上曰：煩公幸卒調護太子。四人爲壽已畢，趨去。上目送之。召戚夫人指示四人者，曰：我欲易之，彼四人輔之，羽翼已成，難動搖矣。呂后真而主矣。戚夫人泣，上起去，罷酒。竟不易太子者，留侯本招此四人之力也。留侯乃稱曰：家世相韓，及韓滅，不愛萬金之資，爲韓報讎，彊秦天下震動。今以三寸

舌爲帝者師。封萬戶。位列侯。此布衣之極。於良足矣。願棄人間事。欲從赤松子游耳。乃學辟穀道。引輕身。會高帝崩。呂后德留侯。乃彊食之。曰。人生一世間。如白駒過隙。何至自苦如此乎。留侯不得已。彊聽而食。後八年卒。謚爲文成侯。子不疑代侯。子房始所見下邳圯上老父。與太公書者。後十三年。從高帝過濟北。果見穀城山下黃石。取而葆祠之。留侯歿。并葬黃石冢。

李生曰。漢之三傑。皆爲帝所疑。獨不疑子房者。以子房終始之心至明白也。昔人謂子房善藏其用。夫秦項滅而英雄之恨已銷。可以辟穀謝世矣。何用之藏。與使子房而功。

名富貴人也。當不巳於好謀用智之心。雖欲善藏其用。以求免帝之疑。又可得與信何是巳。信無足論矣。觀何日夜求免於帝之疑者。至無遺策矣。何亦自以爲得藏身之智也。然帝疑何之心。卒與何相終始。其獲免於械繫者。直天幸耳。乃知心迹苟明。雖智如子房。未始藏其用也。范蠡惟不勝好智之私。故卒以滅吳而霸彊。越成萬世之名。夫會稽之棲報父之讎也。非無罪而興師者也。舍而不誅。蠡之君臣當用以爲德矣。謀之二十餘年。自強可也。雪恥可也。乃句踐旣許吳成矣。蠡獨鼓進兵焉。何哉。以長頸烏喙之人。猶掩泣而不忍其使者。蠡獨何忍乎。太伯之祀忽焉。遽

絕。句。踐。之。疑。從。茲。甚。矣。與。其。逃。海。避。誅。以。智。求。免。孰。若。優。游。廊。廟。使。悍。后。妒。主。皆。信。之。而。不。疑。也。故。爲。陶。朱。公。者。去。越。適。齊。又。去。齊。遷。陶。役。役。焉。名。利。之。塲。老。歿。而。不。止。是。用。智。之。過。也。則。謂。留。侯。善。藏。其。用。亦。可。也。

田叔孟舒

田叔趙陘城人也。叔好劍。學黃老術於樂巨公所。爲人刻廉自喜。喜游諸公。趙人舉之。趙相趙午。言之趙王張敖。以爲郎中。數歲。未及遷。會趙午貫高等謀弑上。事發覺。漢下詔捕趙王及羣臣反者。趙有敢隨王者。罪三族。唯田叔孟舒等十餘人赭衣自髡。鉗稱王家。怒隨王至長安。趙王敖

事自得出、廢爲宣平侯、乃進言叔等十餘人、上盡召見、與語、漢廷臣毋能出其右者、上說、盡拜爲郡守、諸侯相、叔爲漢中守十餘年、孝文帝初立、召叔問曰、公知天下長者乎、對曰、臣不知也、上曰、公長者也、宜知之、叔頓首曰、故雲中守孟舒長者也、是時孟舒坐虜大人雲中免、上曰、先帝置孟舒雲中十餘年矣、虜嘗一入、孟舒不能堅守、無故士卒戰死者數百人、長者固殺人乎、公何以言孟舒爲長者也、叔叩頭對曰、是乃孟舒所以爲長者也、夫貫高等謀反、上下明詔、趙有敢隨王者、罪三族、然孟舒自髡鉗、隨張敖、敖之所欲、以身死之、豈自知爲雲中守哉、漢與楚相距、士卒

罷敝匈奴冒頓新服北夷來爲邊患孟舒知士卒罷敝不忍出言士爭臨城歿敵如子爲父以故歿者數百人孟舒豈毆之哉是乃孟舒所以爲長者也於是上曰賢哉孟舒復召以爲雲中守後數歲叔坐法失官梁孝王使人殺故吳相袁盎景帝召叔案梁具得其事還報上曰梁有之乎對曰有之事安在叔曰上無以梁事爲也上曰何也曰今梁王不伏誅是漢法不行也如其伏法而太后食不甘味臥不安席此憂在陛下也於是上大賢之以爲魯相相初至官民以王取其財物訟王者百餘人叔取其渠率二十人各笞二十餘各搏二十怒之曰王非汝主耶何敢自言

主魯王聞之大慚發中府錢使相償之相曰王自使人償之。不爾是王爲惡而相爲善也。於是王乃盡償之。王好獵。相常從王。輒休相出就館舍。相出常暴坐待王苑外。王數使人請相休。終不休。曰我王暴露我獨何爲就舍。魯王以故不大出游。數年叔以官卒。魯以百金祠。少子仁不受也。曰義不以百金傷先人名。

○張安世

任子

張安世字子孺。少以父湯任爲郎。用善書給事尚書。精力於職。休沐未常出。上行幸河東。嘗亡書三篋。詔問莫能知。唯安世識之。具作其事。後購求得書以相校。無所遺失。上

奇其材擢爲尚書令遷光祿大夫昭帝卽位大將軍霍光秉政以安世篤行光親重之會左將軍上官桀父子及御史大夫桑弘羊皆與燕王蓋主謀反誅光以朝無舊臣白用安世爲右將軍光祿勳以自副焉久之天子下詔封安世爲富平侯明年昭帝崩未葬大將軍光白太后徙安世爲車騎將軍與共徵立昌邑王王行淫亂光復與安世謀廢王尊立宣帝帝初卽位褒賞大臣下詔益封安世萬六百戶功次大將軍光安世子千秋延壽彭祖皆中郎將侍中、大將軍光薨後數月御史大夫魏相上封事言車騎將軍安世事孝武皇帝三十餘年忠信謹厚勤勞政事與大

將軍定策天下受其福國家重臣也安尊其位以爲大將軍毋令領光祿勳事使專精神憂念天下安世子延壽重厚可以爲光祿勳領宿衛臣上亦欲用之安世聞旨懼不敢當請間求見免冠頓首曰老臣耳妄聞言之爲先事不言情不達誠自量不足以居大位繼大將軍後唯天子財哀以全老臣之命上笑曰君言泰謙君而不可尚誰可者安世深辭弗能得後數日竟拜爲大司馬車騎將軍領尚書事數月罷車騎將軍屯兵更爲衛將軍兩宮衛尉城門北軍兵屬焉時霍光子禹爲右將軍上亦以禹爲大司馬罷其右將軍屯兵以虛尊加之而實奪其衆後歲餘禹謀

反夷宗族、安世素小心畏忌、已內憂矣、其女孫敬爲霍氏外屬婦、當相坐、安世瘦癯形於顏色、上恠而憐之、以問左右、乃赦敬以慰其意、安世寢恐、職典樞機、以謹慎周密、自著、外內無間、每定大政、已決、輒移病出、聞有詔令、乃驚、使吏之丞相府問焉、自朝廷大臣、莫知其與議也、嘗有所薦其人來謝、安世大恨、以爲舉賢達能、豈有私謝邪、絕弗復爲通、有郎功高不調、自言安世、應曰、君之功高明主所知、人臣執事、河長短而自言乎、絕不許、已而郎果遷、莫府長史遷、辭去之官、安世問以過失、長史曰、將軍爲明主股肱、而士無所進論者、以爲譏、安世曰、明主在上、賢不肖較然、

臣下自修而已。何知士而薦之。其欲匿名迹。遠權勢。如此。爲光祿勳。郎有醉小便殿上。主事白行法。安世曰。何以知其不反水漿邪。郎淫宮婢。婢兄自言。安世曰。奴以恚怒。誣汙衣冠。告署適奴。其隱人過失。皆此類也。安世自見父子尊顯。懷不自安。爲子延壽。求出補吏。上以爲北地太守。歲餘。上憫安世年老。復徵延壽爲左曹太尉。初。安世兄賀幸於衛太子。太子敗。賓客皆誅。安世爲賀上書。得下蠶室。後爲掖庭令。而宣帝以皇曾孫收養掖庭。賀內傷太子無辜。而曾孫孤幼。所以視養拊循。恩甚密焉。及曾孫壯大。賀教書。令受詩。爲取許妃。以家財聘之。曾孫數有徵怪。賀聞知。

爲安世道之稱其材美安世輒絕止以爲少主在上不安
稱述曾孫及宣帝卽位而賀已歿上謂安世曰掖庭令平
生稱我將軍止之是也上追思賀恩欲封其冢爲恩德侯
置守冢二百家賀有一子蚤歿無子子安世小男彭祖彭
祖又小與上同席研書指欲封之先賜爵關內侯故安世
深辭賀封又求損守冢戶數稍減至三十戶上曰吾自爲
掖庭令非爲將軍也安世乃止不敢復言遂下詔曰其爲
故掖庭令張賀置守冢三十家上自處置其里居冢西關
雞翁舍南上少時所嘗游處也明年復下詔封賀弟子侍
中關內侯彭祖爲陽都侯賜賀謚曰陽都哀侯時賀有孤

孫霸年七歲、拜爲散騎中郎將、賜爵關內侯、食邑三百戶、安世以父子封侯、在位太盛、乃辭祿、詔都內別減張氏無名錢以百萬數、安世尊爲公侯、食邑萬戶、然身衣弋綌、夫人自紡績、家童七百人、皆有手技作事、內治產業、累積纖微、是以能殖其貨、富於大將軍光、天子甚尊憚大將軍、然內親安世、心密於光焉、元康四年春、安世病、上疏歸侯乞骸骨、天子報畱安世、復強起視事、至秋薨、天子贈印綬、送以輕車介士、謚曰敬侯、賜塋杜東、將作穿復土、起冢祠堂、子延壽嗣、延壽自以無功德、何以能久堪先人大國、數上書讓減戶邑、又因弟陽都侯彭祖、口陳至誠、天子以爲有

讓乃徙封平原并一國戶口如故而租稅減半薨謚曰愛侯。子勃嗣爲散騎諫大夫元帝初卽位詔列侯舉茂材勃具眼舉大官獻丞陳湯湯有罪勃坐削戶二百會薨故賜謚曰繆侯。後湯立功西域世以勃爲知人子臨嗣臨亦謙儉每登閣殿常歎曰桑霍爲我戒且歿分施宗族故舊薄葬不起墳臨尚敬武公主薨子放嗣鴻嘉中上欲遵武帝故事與近臣游宴放以公主子開敏得幸放取皇后弟平恩侯許嘉女上爲放供張賜甲第充以乘輿服飾號爲天子取嬪皇后嫁女大官私官並供其第兩宮使者冠蓋不絕賞賜以千萬數放與上臥起寵愛殊絕常從爲微行出游北

至甘泉南至長楊五柞關雞走馬長安中數月成帝崩放
思慕哭泣而歿初安世長子千秋與霍光子禹俱爲中郎
將將兵隨度遼將軍范明友擊烏桓還謁大將軍光問千
秋戰鬪方略山川形勢千秋口對兵事畫地成圖無所忘
失光復問禹禹不能記曰皆有文書光由是賢千秋以禹
爲不材歎曰霍氏世衰張氏興矣及禹誅滅而安世子孫
相繼自宣元以來爲侍中中常侍諸曹散騎列校尉者凡
十餘人功臣之世唯有金氏張氏親近貴寵比於外戚放
子純嗣侯恭儉自修明習漢家制度故事有敬侯遺風王
莽時不失爵建武中歷位至大司空更封富平之別鄉爲

藏書
卷十一
二十五
武始侯

周瑜

周瑜字公瑾廬江人瑜從父尚爲丹陽太守瑜因徃省之
會孫策東度瑜遂將丹陽兵迎策從攻橫江當利皆拔之
及渡江擊秣陵轉下湖孰江乘進入曲阿走劉繇策衆遂
已數萬因謂瑜曰吾以此衆取吳會平山越卿可還鎮丹
陽瑜還袁術欲以爲將瑜觀術終無成乃求爲居巢長遂
自居巢還吳是歲建安三年也策親自迎瑜授建威中郎
將從攻皖拔之時得喬公兩女皆國色策自納大喬瑜納
小喬復進潯陽討江夏還定豫章廬陵策薨策弟權統事

建安七年、曹操下書責權質子、權意不欲遣質、乃獨將瑜詣母前定議、瑜曰、昔楚國初封於荆山、地不滿百里、繼嗣賢能、廣土開境、遂據荆陽、至於南海、傳業延祚、九百餘年、今將軍承父兄餘資、兼六部之衆、兵精糧多、將士用命、鑄山爲銅、煮海爲鹽、汎舟舉帆、朝發夕到、士風勁勇、所向無敵、有何偏迫而欲送質、質一入、不得不與曹氏相首尾、與相首尾、則命召不得不往、便見制於人也、不如勿遣、徐觀其變、若曹氏能率義以正天下、將軍事之未晚、權母曰、公瑾議是也、十三年、曹操入荊州、劉琮舉衆降操、得其水軍、船步兵數十萬、將士聞之、皆恐、權延見羣下、問計、議者咸

謂不如迎之。瑜曰：不然。操雖託名漢相，其實漢賊也。將軍以神武雄才，兼仗父兄之烈，割據江東，地方數千里，兵精用足，英雄樂業，尚當橫行天下，爲漢家除殘去穢，況操自送死而可迎之乎？今北土未平，加馬超、韓遂尚在關西，爲操後患。且舍鞍馬，仗舟楫，與吳越爭衡，本非中國所長。又今盛寒，馬無藁草，驅中國士衆，遠涉江湖之間，不習水土，必生疾病。此數四者，用兵之患也。而操皆冒行之。將軍擒操，安在今日？瑜請得精兵三萬人，進住夏口，保爲將軍破之。權曰：老賊欲廢漢自立久矣，徒忌二袁、呂布、劉表與孤耳。今數雄已滅，惟孤尚存，孤與老賊勢不兩立。君言當擊。

甚與孤合。此天以君授孤也。時劉備爲曹公所破，欲引南渡江，與魯肅遇於當陽，遂共圖計。因進住夏口，遣諸葛亮詣權。權遂遣瑜及程普等與備併力，逆操。遇於赤壁。時操軍衆已有疾病，初一交戰，操軍散退。引次江北。瑜部衆黃蓋曰：「今寇衆我寡，難與持久。然觀操軍方連戰艦，首尾相接，可燒而走也。」乃取艨艟數十艘，實以薪草，灌膏油，其中裹以帷幙，上建牙旗。先書報操，請降。又備走舸各繫大船後，因引次俱前。操軍吏士皆延頸觀望，諸船同時發火。時風盛猛，悉延燒岸上營落。人馬燒溺歿者甚衆。操軍遂敗，退還保南郡。備與瑜等復共追操。操留曹仁等守江。

陵城竟自北歸。瑜與程普又進南郡，與仁相對。仁退，權拜瑜偏將軍，領南郡太守。以下雋、漢昌、劉陽、州陵爲奉邑。屯據江陵，劉備以左將軍領荊州牧，治公安。備詣京見權，瑜上疏曰：「劉備以梟雄之姿，而有關羽、張飛、熊虎之將，必非久屈爲人用者。愚謂大計宜徙備置吳，盛爲築宮室，多其美女玩好，以娛其耳目，分此二人，各置一方，使如瑜者，挾與攻戰，大事可定也。今猥割土地以資業之，聚此三人，俱在疆場，恐蛟龍得雲雨，終非池中物也。」權以操在北方，當廣攬英雄，又恐備難卒制，故不納。是時劉璋爲益州牧，外有張鹵寇侵，瑜見權曰：「今曹操新折衄，方憂在腹心，未能

與將軍連兵相事也。乞與奮威俱進取蜀。得蜀而并張魯。
因畱奮威固守其地。好與馬超結援。瑜還與將軍據襄陽。
以臧操壯哉北方可圖也。權許之。瑜還江陵爲行裝而道於巴
丘。病卒。時年三十六。權素服舉哀。感慟左右。瑜性度恢廓。
惟與程普不睦。普頗以年長數陵侮瑜。瑜折節容下。終不
與校。普後自敬服而親重之。乃告人曰。與周公瑾交。若飲
醇醪。不覺自醉。曹操聞瑜年少有美才。密下揚州。遣九江
蔣幹往見瑜。幹有儀容。以才辯見稱。乃布衣葛巾。自託私
行。詣瑜。瑜出迎之。立謂幹曰。子翼良苦。遠涉江湖。爲曹氏
作說客邪。因延幹入。爲設酒食。畢遣出。就館。後三日。瑜請

幹與遍觀營中、行視倉庫軍資器仗、訖還宴飲、因謂幹曰、
丈夫處世、遇知己之主、外託君臣之義、內結骨肉之恩、言
行計從、禍福共之、假使蘇張更生、酈叟復出、猶撫其背而
折其辭、豈足下所能移乎、幹亦通但笑終無所言、幹還稱瑜雅
量高致、非言辭所間、劉備之自京還也、權追送之、備因言
次、歎曰、公瑾文武籌略、萬人之英、顧其器量大、恐不久爲
人臣耳、曹操書與權曰、赤壁之役、值有疾病、孤燒船自退、
橫使周瑜虛獲此名、瑜威聲遠著、故曹操劉備咸疑譖之、
瑜少精意於音樂、雖三爵之後、其有關誤、必知之、知之必
顧、故時人謠曰、曲有誤、周郎顧。

藏書大臣傳卷十二

五忠誠大臣

諸葛亮

附傳

諸葛亮琅琊人。早孤。從父玄素與荊州牧劉表有舊。天下大亂。亮隨玄往。依劉表。玄卒。亮遂寓南陽。亮好爲梁父吟。身長八尺。與潁川徐庶及孟公威、石廣元游。三人讀書務於精熟。而亮獨觀大略。每晨夜從容抱膝長嘯。以管仲、樂毅自比。嘗謂三人曰。卿諸人仕進可至郡守刺史也。三人問其所至。亮笑而不荅。先主在荊州。訪士於司馬徽。徽曰。儒生俗士。豈識時務。識時務者在乎俊傑。此間自有伏龍。

鳳雛諸葛孔明龐士元也。司馬徽清雅有知人之鑑。同縣
龐德公素有重名。徽兄事之。亮每獨拜床下。德公常謂亮
爲臥龍。統爲鳳雛。徽爲冰鏡。故徽與先主語而稱之。徐庶
亦謂先主曰。諸葛孔明者臥龍也。將軍豈願見之乎。以故
先主凡三往詣亮。乃得見。旣見。因屏人語曰。漢室傾頽。奸
人竊命。孤不度德量力。欲信大義於天下。而智術淺短。遂
用猖獗。君謂計將安出。亮荅曰。自董卓已來。豪傑並起。曹
操比於袁紹。則名微而衆寡然。操遂能克紹以弱爲強者。侯、卓、廬、數、言、皆、如、左、券
非惟天時亦人謀也。今操擁百萬之衆。挾天子以令諸侯。
此誠不可與爭鋒。孫權據有江東。已歷三世。國險而民附。

賢能爲之用。此可以爲援。而不可圖也。荊州北據漢沔。利盡南海。東連吳會。西通巴蜀。此用武之國。而其主不能守。此殆天所以資將軍也。益州險塞。沃野千里。劉璋闇弱。張魯在北。民殷國富。而不知存恤。智能之士。思得明君。將軍既帝室之胄。信義著於四海。若跨有荊益。保其巘阻。西和諸戎。南撫夷越。外結孫權。內修政理。則霸業可成。漢室可興矣。先主曰。善。於是與亮情好日密。關羽張飛不悅。先主解之曰。孤之有孔明。猶魚之有水也。願諸君勿復言。備性好結。賁適有以髦牛尾予備者。備因手自結之。亮進曰。明將軍當復有遠志。但結賁而已。取備乃投賁而起。亮遂言。

曰將軍度劉鎮南孰與曹公、備曰不如、曰將軍自度何如也、備曰亦不如、曰今皆不如而將軍之衆不過數千、以此待敵、得無非計乎、備曰我亦患之、當若之何、亮曰荊州非少人也、而著籍者寡、平居發調則人心不悅、可語劉荊州凡有遊戶皆使自實、因錄以益衆可也、劉表長子琦深敬亮、表溺愛少子琮、琦每與亮謀自安之術、亮不應、琦乃與亮游後園、已上樓、令人去梯、謂亮曰今日上不至天下不至地、言出子口入於吾耳、可以言未、亮曰君不見申生在內而危、重耳在外而安乎、琦感悟、陰規出計、獲鎮守江夏、曹操南征表、會表卒、子琮代立、遣使降操、先主屯樊、不知

操卒至、遂將其衆去過襄陽、亮與徐庶並從、操獲庶母、庶辭先主而指其心曰、本欲與將軍共圖王霸之業者、以此方寸之地也、今已失老母、方寸亂矣、請從此別、遂詣操、先主至夏口、亮曰、事急矣、請奉命求救於孫將軍、時權擁軍在柴桑、亮說權曰、海內大亂、將軍據有江東、劉豫州亦收衆漢南、與曹操並爭天下、今操芟夷大難、略已平矣、遂破荊州、威震四海、英雄無所用武、故豫州遁逃至此、若能以吳越之衆、與中國抗衡、不如早與之絕、若不能、何不北面事之、今將軍外託服從之名、而內懷猶豫、事急而不斷、禍至無日矣、權曰、苟如君言、劉豫州何不遂事之、亮曰、田橫

英雄語

齊之壯士猶守義不辱况劉豫州帝室之胄英才蓋世衆士仰慕安能復爲之下乎權勃然曰吾不能舉全吳之地十萬之衆受制於人吾計決矣非劉豫州莫可以當曹操者然豫州新敗之後安能抗此難乎亮曰豫州軍雖敗於長阪今戰士還者及關羽水軍精甲萬人劉琦合江夏戰士亦不下萬人曹操之衆遠來疲弊聞追豫州輕騎一日一夜行三百餘里此所謂強弩之末不能穿魯縞者也故兵法忌之曰必蹶上將軍且北方之人不習水戰又荊州之民附操者迫兵勢非心服也今將軍誠能命猛將統兵與豫州協規同力破操軍必矣操軍破必北還如此

則荆吳之勢強鼎足之形成矣。權大悅，卽遣周瑜、程普、魯肅等水軍三萬，隨亮詣先主，遂破曹公，收江南，建安十六年，亮與先主共圍成都，成都平，亮爲軍師將軍，署左將軍府事。先主外出，亮常鎮守，足兵食。郭冲敘亮五事，其一事：法正謂亮曰：「昔高祖入關，約法三章，秦民知德。今君跨據一州，初有其國，未垂惠撫，願緩刑弛禁，以慰其望。」亮曰：「秦以無道，政苛民怨，匹夫大呼，天下土崩。高祖因之，可以弘濟。劉璋暗弱，自焉以來，威刑不肅，蜀土人士專權自恣，君臣之道漸以陵替。吾今威之以法，法行則知恩；限之以爵，爵加則知榮。榮恩並濟，上下有節，爲治之要，於斯而著矣。」

其二事曰。曹公遣刺客見劉備。問論伐魏形勢。甚合備計。既而亮入。魏客失措。急起如廁。備謂亮曰。向得奇士。足以助君。亮徐歎曰。觀客色動而神懼。視低而忤。數奸形外。漏必刺客也。急追之。客已越牆去矣。建安二十三年。先主屯陽平關。時法正從先主北行。亮于是表楊洪領蜀郡太守。衆事皆辦。遂使卽真。頃之。轉爲益州治中從事。初。犍爲太守李嚴辟洪爲功曹。嚴未去犍。爲而洪已爲蜀郡。洪舉門下書佐何祗有才策。洪尚在蜀郡。而祗已爲廣漢太守。是以西土咸服諸葛亮能盡時人之器用也。建安二十六年。先主卽帝位。以亮爲丞相。章武三年春。先主在永安宮病。

篤召亮屬以後事、謂亮曰、君才十倍曹丕、必能安國、終成大事、若嗣子可輔、輔之如其不才、君可自取、亮涕泣曰、臣敢不竭股肱之力、效忠貞之節、繼之以死、後主建興元年、封亮武鄉侯、開府治事、頃之、又領益州牧、亮嘗自校簿書、主簿楊顗直入諫、亮謝之、益州郡耆帥雍闓殺太守以附吳、吳以闓爲永昌太守、闓使郡人孟獲誘扇諸夷、諸夷皆從之、牂牁太守朱褒、越雋夷王高定、皆叛應闓、亮以新遭大喪、皆撫而不討、二年春、亮率衆討雍闓等、秋七月、亮至南中、所在戰捷、由越雋入、斬雍闓、高定、孟獲、收闓餘衆、拒亮、亮聞、獲爲夷漢所服、募生致之、旣得、使觀于營陣之間、

獲曰。向者不知虛實。故敗。若祇如此。卽定易勝耳。亮笑。縱使更戰七縱七擒。而亮猶遣獲。獲止不去。曰。公天威也。南人不復反矣。遂至滇池。南中平。皆卽其渠率而用之。或以諫。亮曰。若畱外人。則當畱兵。兵畱則無食。一不易也。加夷新傷破。父兄死喪。若畱外人而無兵。必成禍患。二不易也。又吏累有廢殺之罪。自嫌釁重。若畱外人。終不相信。三不易也。今吾欲不畱兵。不運糧。使綱紀粗定。夷漢粗安。故耳。于是悉收孟獲等。以爲官屬。出其金銀丹漆耕牛戰馬。以給軍國之用。終亮之世。夷不復反矣。是歲。魏文帝殂。明帝立。五年。亮率諸軍北駐漢中。臨發。上疏云云。郭冲三事。

曰亮軍於陽平遣魏延諸軍并兵東下亮惟萬人守城司馬懿率二十萬衆來與延軍錯道竟至前當亮亮欲前赴延軍而相去遠將士皆失色亮意氣自若勅軍中臥旗息鼓不得妄出菴幔又令大開四城門却洒懿常謂亮持重而猥見勢弱疑有伏兵於是引軍北趨山六年亮將攻魏司馬懿延曰聞夏侯惇怯而無謀今假延精兵五千負糧五千直從褒中出循秦嶺而東緣子午而北不過十日可到長安比東方相合聚尚二十許日而公從斜谷來亦足以達如此則一舉而咸陽以西可定矣亮以爲此危計不如安從坦道可以西取隴右十全必克而無虞故不

用延計亮揚聲由斜谷道取郿使將軍趙雲鄧芝爲疑軍據箕谷魏遣曹真都督關右諸軍軍郿亮身率大軍攻祁山戎陳整齊號令明肅始魏以漢昭烈旣歿數歲寂然無聞是以略無豫備而卒聞亮出朝野恐懼於是天水南安安定皆叛應亮關中響震初越雋太守馬謖才氣過人好論軍計昭烈臨終謂亮曰馬謖言過其實不可大用亮不謂然及出軍祁山以謖督諸軍在前與張郃戰於街亭謖違亮節度舉措煩擾舍水上山張郃絕其汲道擊大破之士卒離散亮進無所據乃拔西縣千餘家還漢中收謖下獄殺之亮自臨祭爲之涕泣撫其遺孤恩若平生乃上疏

請自貶三等以督厥咎。是時趙雲鄧芝之兵亦敗於箕谷。集衆固守，故不大傷。亮謂鄧芝曰：「街亭軍退，兵將不復相錄，箕谷兵退，兵將不相失，何故？」芝曰：「趙雲身自斷後，兵將無緣相失故耳。」或勸亮更發兵者，亮曰：「大軍在祁山，箕谷皆多於賊，而不能破賊，爲賊所破，則此病不在兵少也。是年十一月，亮聞孫權破曹休，魏兵東下，關中虛弱，復上言曰：「先帝慮漢賊不兩立，王業不偏安，故託臣以討賊也。以先帝之明，量臣之才，故知臣伐賊，才弱敵強也。然不伐賊，王業亦亡，惟坐待亡，孰與伐之？是故託臣而勿疑。臣鞠躬盡瘁，死而後已。至於成敗利鈍，非臣之明所能逆覩也。」曹真

不觀成敗何以盡力

以亮懲於祁山、後必出從陳倉、乃使將軍郝昭等守陳倉。
冬亮果出散關圍陳倉、使郝昭鄉人靳詳於城外遙說昭。
昭應之曰、魏家科法、卿所練也、我之爲人、卿所知也、我受
國恩多、而門戶重、卿無可言者、卿還謝諸葛、便可攻也、詳
以告亮、亮又使詳重說昭、昭謂詳曰、前言已定矣、我識卿
耳、箭不識也、亮自以有衆數萬、而昭兵纔千餘人、又度東
救未能便到、乃進兵攻昭、起雲梯衝車以臨城、昭以火箭
逆射其梯、梯上人皆燒歿、昭又以繩連石磨壓其衝車、衝
車折、亮乃更爲井闌百尺以射城中、以土丸填塹、欲直攀
城、昭又於內築重牆、亮又爲地穴、欲踊出於城裏、昭又於

城內穿地橫截之。晝夜相攻二十餘日。曹真遣費耀等救之。魏主亦召張郃使擊亮。郃晨夜進道。未至。亮糧盡。引去。魏將王雙追亮。亮與戰破之。斬雙。七年。亮遣陳式攻武都。陰平平之。是歲。孫權稱尊號。議者咸爲名體勿順。宜顯明正義。絕其盟好。亮曰。權僭逆之心久矣。國家所以略其釁。情者求其情也。今若加顯絕。便當移兵東伐。與之角力。頓兵相持。坐而須老。使北賊得計。非筭之上者。若就其不動而睦於我。我之北伐無東顧之憂。河南之衆不得盡西。此之爲利亦已深矣。乃遣衛尉陳震往賀權。九年。亮命李嚴以中都護署府事。亮率諸軍圍祁山。以木牛運。遣人

招鮮卑軻比能等、魏主命司馬懿西屯長安、督將軍張郃、郭淮等以禦亮、懿留精兵四千守上邽、餘衆悉出西救祁山、亮分兵留攻祁山、自逆懿於上邽、郭淮等邀亮、亮破之、因大芟刈其麥、與懿遇於上邽之東、懿歛軍依險、兵不得交、亮引還、懿等尋亮後至於鹵城、張郃曰、亮孤軍食少、亦行去矣、懿不從、故尋亮、旣至、又登山掘營、不肯戰、賈詡數請戰、因曰、畏蜀兵如虎、奈天下笑何、懿病之、乃使張郃攻無當、監河平於南圍、自案巾道向亮、亮使魏延逆戰、魏兵大敗、亮以糧盡退軍、張郃追之、蜀人乘高布伏、弓弩亂發、飛矢中郃而卒、亮勸農講武、作木牛流馬、運米集斜谷、治

斜谷邸閣息民休事十一年春亮悉大衆由斜谷出以流
馬運據武功五丈原與司馬懿對於渭南尅日交戰懿戎
服蒞事使人視亮獨乘素輿葛巾毛扇指麾三軍隨其進
止懿歎曰諸葛君可謂名士矣郭淮策亮必爭北原宜先
據之曰若亮跨渭登原連兵北山隔絕隴道搖蕩民夷非
國之利也懿善之淮遂屯北原塹壘未成蜀兵大至後數
日亮盛兵西行淮以爲此見形於西欲使官兵重應之必
攻陽遂耳其夜果攻陽遂有備不得上亮每患糧不繼使
已志不伸是以分兵屯田爲久住之基耕者雜於渭濱居
民之間而百姓安堵相持百數日其年八月亮病卒于軍

年五十四、後主聞病、遣僕射李福省侍、因諮以大計、亮語福曰、君所問者公瑾其宜也、福請蔣琬之後、誰可任者、亮曰、文偉可以繼之、又復問其次、亮不荅、初、漢前軍師魏延、勇猛過人、每隨亮出、輒欲請兵萬人、與亮異道會于潼關、如韓信故事、亮不許、延常謂亮爲怯、歎恨已、才用之不盡、楊儀爲人幹敏、亮每出軍、儀常規畫分部、籌度糧穀、不稽思慮、斯須便了、軍戎節度、取辦於儀、延性矜高、唯儀不肯假借、延以爲忿、亮病困、與儀等作退軍節度、令延斷後、姜維次之、亮卒、儀祕不發喪、令費禕往揣延意、延曰、丞相雖亡、吾身見在、府親官屬、便可將喪還葬、吾自當率諸軍擊

賊云、何以一人、歿廢天下大事邪、且魏延何人、當爲楊儀所部、勒作斷後將乎、大怒、率所領先歸、所過燒絕閣道、儀等令槎山通道、晝夜兼行、亦繼延後、延先至、遣兵逆擊儀、儀等令將軍王平於前禦延、平叱先登曰、公亡、身尚未寒、汝輩何敢乃爾、士衆知曲在延、莫爲用命、延獨與其子逃奔漢中、儀遣將追斬之、平初爲馬謖先鋒、連規諫、謖不能用、大敗於街亭、衆盡星散、惟平所領千人鳴鼓自恃、魏將疑其伏兵、不敢往逼、於是徐收合諸營、遣迸率將士而還、亮圍祁山、平別守南圍、張郃攻平、平堅守不動、郃不能克、亮卒于武功、軍還、魏延作亂、一戰而敗、平之功也、亮先時

自表後主曰臣成都有桑八百株薄田十五頃子弟衣食自有餘饒至於臣在外任無別調度隨身衣食悉仰於官不別治生以長尺寸若臣死之日不使內有餘帛外有贏財以負陛下而已及卒如其所言

董允中郎將和之子也諸葛亮北征以允秉心公亮欲任以官省之事遷侍郎領虎賁中郎將統宿衛親兵獻納之任允皆專之後主大愛宦官黃皓皓便辟佞慧畏允不敢爲非終允之世位不過黃門丞延熙七年以侍中守尚書令爲大將軍費禕副貳九年卒居位凡三年

費禕江夏人遊學入蜀後主踐位爲黃門侍郎諸葛亮南

征還羣僚出迎而亮特命禕同載由是改觀亮北住漢中
請禕爲參軍後爲司馬值軍師魏延長史楊儀交惡每並
坐爭論延或舉刃擬儀儀涕泣橫集禕常入其坐間諫諭
分別終亮之世各盡延儀之用者禕之力也亮卒禕爲後
軍師頃之代蔣琬爲尚書令於時國方多事公務煩猥禕
識悟過人每省讀書記舉目暫視已究其旨常以朝晡聽
事其間接納賓客飲食嬉戲加以博奕延熙七年魏軍次
興勢假禕節率衆往禦之光祿大夫來敏至禕求共圍棋
于時羽檄交馳人馬擐甲嚴駕已訖禕與敏獨對戲不輟
圍棋與却敵何預請問道學先生
敏曰向聊觀君耳君信可人必能辦賊禕至敵遂退禕當

國功名略與琬比。十一年，出住漢中。十六年大宴會，魏降人郭循在坐，禕歡飲沉醉，爲循所害。禕喜赦大司農孟光，責禕曰：「赦者，偏枯之物，衰敝窮極，必不得已乃行之。丞相亮曰：『治世以大德，不以小惠。』故匡衡、吳漢不願爲赦。先帝亦言：『吾周旋陳元方、鄭康成間，每見啓告爲治之道，悉矣。』曾不語赦也。若劉景升父子，歲歲赦宥，何益於治？」後主襲位，徙廖立爲長水校尉，立本意自謂才名宜爲諸葛亮之二，而更游散在李嚴等下，常懷怏怏。亮於是廢立，爲民徙汶山郡，立躬率妻子耕植自守。聞諸葛亮卒，垂泣歎曰：「吾終爲左社矣。」遂終於徙所。

魏曹真欲三道向漢川亮命李嚴將二萬人赴漢中表嚴子豐爲江州都督督軍典嚴後事明年當出軍又命嚴以中都護署府事改名爲平諸葛亮集有嚴與亮書勸亮宜受九錫進爵稱王亮荅書曰吾與足下相知久矣可不復相解足下方誨以光國戒之以勿拘是以未得默已吾本東方下士誤用於先帝位極人臣祿賜百億今討賊未效知已未荅而方寵齊晉坐自貴大非其義也若滅魏斬叡帝還故居與諸子並升雖十命可受況於九邪九年春亮軍祁山平催督運事值天霖雨運糧不繼遣叅軍狐忠喻指呼亮來還亮退軍平聞軍退乃陽驚說軍糧饒足何以

便歸。又表後主說軍僞退，欲以誘賊與戰。亮具出平前後手書疏，平違錯章灼。於是亮表平曰：「自先帝崩後，平所在治家，尚爲小惠。臣當北出，欲得平兵以鎮漢中。平無有來意，而求以五郡爲巴州刺史。去年臣欲西征，欲令平主督漢中。平說司馬懿等開府辟召，臣知平情，欲因行之際，偏臣取利也。是以表平子豐督主江州，隆崇其遇，以取一時之務。羣臣上下皆怪臣待平之厚。臣以大事未定，漢室傾危，伐平之短，莫若褒之。然謂平情在於榮利而已，不意平心顛倒，乃爾。若是稽留，將致禍敗。乃廢平爲民徙梓潼郡。亮又與平子豐教曰：『吾與君父子戮力以獎漢室，此神明』」

所聞非但人知之也。表都護典漢中委君於東園者不與人議也。謂至心感動終始可保。何圖中乖乎。昔楚卿屢紉亦乃克復思道願寬慰都護勤追前闕。今雖解任形業失故。奴婢賓客百數十人。君以中郎叅軍居府方之氣類猶爲上家。若都護思負一意。君與公琰推心從事者。否可復通逝可復還也。○真○堪○痛○哭○詳思盛戒明吾用心。臨書長歎涕泣而已。又與蔣琬董允書曰。孝起前臨至吳爲吾說。正方腹中有鱗甲不可近。吾以爲鱗甲者。但不當犯之耳。不圖復有蘇張之事。孝起尚書陳震字平聞亮卒。發病歿。平常冀亮當自補復策。後人不能故也。

諸葛瑾爲孫權長史權遣瑾使蜀與其弟亮俱公會相見退無私面及吳襲殺關羽先主征吳瑾爲南郡太守遣先主賤曰陛下以關羽之親何如先帝荊州大小孰與海內俱應仇疾誰當先後若審此數易于反掌矣時或言瑾別遣親人與漢主相聞者陸遜表明瑾必無此權報曰子瑜與孤從事積年恩如骨肉玄德昔遣孔明至吳孤常語子瑜曰卿與孔明同產且弟隨兄于義爲順何以不留孔明子瑜荅言委質定分義無二心弟之不留猶瑾之不往也其言足貫神明今豈當有此乎

張裔成都人汝南許文休入蜀謂裔幹理敏捷是中夏鍾

元常之儔亮以爲參軍嘗北詣亮諮事送者數百車乘盈路裔還書與所親曰近者涉道晝夜接賓不得寧息人自敬丞相長史男子張君嗣附之疲倦欲歿其談啁流速皆此類初亮北征漢中欲用裔爲留府長史以問蜀郡太守楊洪洪對曰裔天姿明察長於治劇然性不公平恐不可專任不如畱向朗朗情僞差少裔隨從目下效其器能於事兩善後裔與司鹽校尉岑述不和至于忿恨亮與裔書曰僕自以爲與君古之石交也石交之道舉讎以相益割骨肉以相明猶不相謝也况吾但委意於元儵而君不能忍邪元儵述字

何祗少寒貧、體甚壯大、能飲食、好聲色、嘗夢井中生桑、以問占夢趙直、直曰、桑非井中之物、會當移植、然桑字四十下、八君壽恐不過此、祗笑言得此足矣、爲督軍從事、諸葛亮聞祗游戲放縱、不勤所職、當菴往錄獄、祗夜張燈火、見囚讀諸解狀、諸葛晨往、祗悉闇誦、荅對無所凝滯、亮甚喜之、出補成都令、時郫令缺、復以祗兼之、二縣切近、都治、餽諸奸穢、祗每比人常眠睡、值其覺悟、輒得奸詐、衆咸畏祗之發摘、或以爲有術、無敢欺者、使人投筭、祗聽其讀、而心計之、不差升合、汶山夷不安、以祗爲汶山太守、及祗還、廣漢汶夷反叛、辭令得前何府君、乃能安我、其信服之如此、

年四十八卒、如直所言

諸葛喬瑾之第二子也、與兄元遜俱有名於時、論者以爲喬才不及兄、而性業過之、初亮未有子、求喬爲嗣、建興元年卒、子攀官至行護軍、翊武將軍、亦早卒、諸葛恪見誅於吳、子孫皆盡、而亮自有胄裔、故攀還復爲瑾後

諸葛瞻工書畫、彊識念、蜀人追思亮、咸愛其才敏、每朝廷有一善事、雖非瞻建倡、百姓皆傳相告曰、諸葛侯之所爲也、是以美聲溢譽、有過其實、鄧艾伐蜀、自陰平由景谷道旁入、瞻督諸軍至涪、艾遺書誘瞻曰、若降者必表爲琅琊王、瞻怒、斬艾使、遂戰大敗、臨陣歿、時年三十七、艾長驅至

成都瞻長子尚與瞻俱沒于寶曰瞻雖智不足以扶危勇
不足以拒敵而能外不負國內不改父之志忠孝存焉華
陽國志曰尚歎曰父子荷國重恩不早斬黃皓以致傾敗
用生何爲乃馳赴魏軍而歿次子京及攀子顯等咸熙元
年內移河東京爲郡令尚書僕射山濤啟事曰郡令諸葛
京祖父亮盡心王事臣以爲宜以補東宮舍人以明進善
之理副梁益之論京位至廣州刺史

裴度

裴度字中立河東聞喜人也貞元初擢進士第遷監察御
史拜中丞宣徽五坊小使再歲秋按鷹犬畿甸所至須索

百姓畏之。先是貞元末，此輩暴橫，至張網羅于民家門首，及井，不令出入汲水。曰：「驚我供奉鳥雀。」又羣聚賣酒食，大肆情飲啖。將去，畱虵一筐，誡之曰：「吾以此致供奉鳥雀，可善飼，無使饑渴。」主人賂而謝之，乃肯携去。元和初，故態未絕，嘗至下邳縣，令裴寰不肯曲奉。小使奏寰出慢言，憲宗怒，促令攝寰下獄。宰相武元衡等不能解，度入奏事，因極言寰無罪。上愈怒，曰：「如卿之言，寰無罪，卽決五坊小使。」如小使無罪，卽決裴寰。度對曰：「按罪誡如聖旨，但以裴寰爲令長，憂惜陛下百姓如此，豈可加罪？」上怒色稍霽。翌日，令釋寰。王師討蔡，以度視行營諸軍，還奏攻取策，與帝意合。

進兼刑部侍郎王承宗李師道謀緩蔡兵伏盜京師害宰相元衡又擊度刃三進斷韉刺背裂中單又傷首度冒氈得不死哄導駭伏獨驪王義持賊大呼賊斷義手度墜溝賊意已灰因亡去議者欲罷度安二鎮反側帝怒曰度得全天也若罷是賊計適行吾倚度足破三賊矣度亦以權紀未張王室凌遲常憤愧自行營歸知賊曲折帝益信仗疾愈拜中書侍郎同平章事始德宗時尚伺伺中朝士相過金吾輒飛啟宰相至闔門謝賓客度以時多故宐延天下髦英咨籌策乃請還第與士大夫相見詔可于時討蔡數不利羣臣爭請罷兵度奏病在腹心不時去且爲大患

不然兩河亦將視此爲逆順帝曰一勝一負兵家常勢若
師常利則古何憚用兵耶今但論帥臣勇怯兵強弱處置
何如耳渠一敗便沮成計乎於是左右不能問十二年辛
相李逢吉建言餉億煩匱宜休師唯度請身督戰帝獨目
度畱曰果爲朕行乎度俯伏流涕曰臣誓不與賊偕存臣
比觀吳元濟表勢寔窘蹙但諸將心不一不併力迫之故
未降耳若臣自詣行營諸將恐臣奪其功必爭進破賊矣
卽拜淮西宣慰招討處置使度以韓弘領都統乃上還招
討以避弘入對延英曰主憂臣辱義在必死賊未授首臣
無還期帝壯之爲流涕度屯郾城勞諸軍未幾李愬夜入

懸弧城縛吳元濟以報度。以蔡牙卒侍帳下。或謂不可。度笑曰。吾爲彰義節度。元惡已擒。人皆吾人也。入朝進上柱國。晉國公。復知政事。十三年。上命六軍脩麟德殿。戶部侍郎判度支皇甫鏐。衛尉卿鹽鐵轉運使程异。數進羨餘以供費。由是有寵。鏐又以厚賂結吐突承璀。鏐以本官。异以工部侍郎。並同平章事。判使如故。制下。朝野駭愕。至於市道負販者。亦嗤之。裴度崔羣極陳其不可。上不聽。表求自退。不許。度復上疏。以爲鏐在度支。專以豐取刻與爲務。凡中外仰給度支之人。無不思食其肉。比者裁損淮西糧料。軍士怨怒。今舊將舊兵。悉向淄青。聞鏐入相。必盡驚憂。知

無可訴之地矣。程昇雖人品庸下，不宜爲相。然心事和平，可處煩劇。至如鑄資性狡詐，天下共知。唯能上惑聖聰，足見姦邪之極。臣若不退，天下謂臣不知廉恥。臣若不言，天下謂臣有負恩寵。今退既不許，言又不聽。臣如烈火燒心，衆鎬叢體，所可惜者，淮西盩厔、河北底寧、承宗斂手削地，韓弘與疾討賊，豈朝廷之力能制其命哉？直以處置得宜，能服其心耳。陛下建升平之業，十已八九，何忍還自墮壞，使四方解體乎？上以度爲朋黨不之省，度乃纂述蔡鄆用兵以來上之憂勤機略，因侍宴獻之。請內印出付史官。然卒爲昇鑄所構，出爲河東節度使。穆宗卽位，朱克融王廷

奏亂河朔加度鎮州行營招討使時元稹結宦官魏弘簡
求執政恐度復當國因經置軍事數持梗不使有功度恐
亂作卽上書暴積過惡以爲逆豎構亂震驚山東姦臣作
朋撓敗國政陛下欲掃蕩幽鎮先宐肅清朝廷何者河朔
患小禁闡患大小者臣與諸將必能翦滅大者非陛下覺
悟制斷無以驅除臣自兵興以來所陳章疏事皆切要所
奉書詔多有參差蒙陛下委付之意不輕遭姦臣抑損之
事不少進退皆受羈牽意見悉遭蔽塞但欲令臣失所使
臣無成則天下理亂山東勝負悉不顧矣表三上上雖不
悅以度大臣不得已罷弘簡稹近職俄擢稹宰相稹怨裴

度欲解其兵柄故勸上雪王廷奏而罷兵以度守司空平
章事東都畱守諫官叩延英言不可帝不省會中人使幽
鎮還言軍中謂度在朝而兩河諸侯無不懷畏今居東人
人失望帝悟詔度由太原朝京師及陛見感慨流涕伏未
起帝遽曰朕當延英待卿始議謂度無援與且久外爲奸
儉恨抑慮帝未能明其忠及進見辭切氣怡卓然當天子
意在位聞者皆竦毅將貴臣至嗟咨出涕乃拜度守司徒
領淮南節度使是時徐州王智興逐崔羣諸軍盤互河北
議者交口請相度乃以本官兼中書侍郎平章事而權倖
側目咸謂逢吉善謀可以構度共諷帝自襄陽召逢吉還

矣、度居位甫閱月、果爲逢吉所間、罷爲左僕射、已而逢吉
代相、出度山南西道節度使、長慶四年、王廷奏屠牛元翼
之家、敬宗羞惋、深歎宰輔非人、學士韋處厚上疏曰、臣聞
汲黯在朝、淮南寢謀、干木處魏、諸侯息兵、王霸之理、以一
士止百萬之師、一賢制千里之難、裴度元勲巨德、文武兼
備、若位廊廟、委叅決、必能使戎虜畏威、幽鎮自臣、時敬宗
雖孺蒙然、實注意度、中人至度所、必丁寧慰安、且示召期
寶曆二年度請入朝、於是好。有詔復使輔政、先是帝將幸東
都、大臣切諫、不納、度從容奏言、國家建別都、本備巡幸、但
自艱難以來、官闕署屯、百司之區、荒圯弗治、必假歲月完

新。然。後。可。行。帝。悅。曰。羣。臣。諫。朕。不。及。此。如。卿。言。誠。有。未。便。
因。止。不。行。汴。宋。觀。察。使。令。狐。楚。言。毫。州。聖。水。出。飲。者。疾。輒。
愈。度。判。曰。妖。由。人。興。水。不。自。作。命。所。在。禁。塞。朱。克。融。執。畱。
賜。春。衣。使。楊。文。端。奏。稱。衣。段。疏。薄。又。奏。今。歲。三。軍。春。衣。不。
足。擬。於。度。支。請。給。一。季。春。衣。約。三。十。萬。端。足。并。助。丁。匠。五。
千。修。東。都。上。憂。其。不。遜。問。宰。相。曰。克。融。所。奏。如。何。處。分。我。
欲。遣。一。重。臣。往。宣。慰。便。索。春。衣。使。可。乎。度。對。曰。克。融。家。本。
兇。族。無。故。又。行。凌。悖。必。將。滅。亡。譬。如。一。豺。虎。於。山。林。間。自。
吼。自。躍。但。不。以。爲。事。則。自。無。能。爲。此。賊。祇。敢。於。巢。穴。中。無。
禮。動。卽。不。得。今。亦。不。須。遣。使。宣。慰。亦。不。要。索。所。畱。勅。使。但。

更緩旬日與一詔云聞中官到彼稍失去就待到當有處分所賜春衣有司置造不謹我方詰之所請丁匠固是虛語今欲直挫其姦卽報云卿所請丁匠脩官闕可速遣來已勅魏博等道今所在排比供擬料得此詔必章惶失計若未能如此則報云東都宮闕事在有司不假卿遣丁匠遠來所言三軍春衣自是本道常事比來朝廷或有事賜與皆緣徵發須是優恩若尋常則無此例我固不惜二三十萬端疋祇是事體不可獨與范陽祇如此處分卽得陛下更不要介意遂進詔草至皆如度所料不旬日幽州殺克融并其二子帝崩定策誅劉克明等迎立江王是爲文

宗大和四年、度數引疾、願上政事、乃詔進司徒平章軍國重事、須疾已三日若五日、一至中書、牛僧孺李宗閔輔政、共短損度、又出爲山南東道節度使、八年、徙東都畱守、時闡豎擅威、天子擁虛器、縉紳道喪、度不復有經濟意、乃治第東都集賢里、午橋作別墅、其燠館涼臺、號綠野堂、激波其下、與白居易劉禹錫爲文章、把酒窮晝夜相謹、開成二年、復以本官節度河東、度牢辭老疾、帝命諭意曰、爲朕臥護北門可也、度乃之鎮、三年以病勾還東都、薨、年七十六、自爲銘誌、度退然、纔中人、而神觀邁爽、操守堅正、善占對、旣有功名震四夷、使外國者、其君長必問年歲幾何、狀貌

孰似天子用否其威譽德業比郭汾陽而用不用常爲天子重輕

呂端 官生

呂端字易直幽州人也。以父蔭補千牛備身。許元王僖尹開封。端爲判官。王薨。有發其陰事者。坐禪贊無狀。遣御史及內侍往就鞠。端方決事。二使曰。有詔推君。端神色自若。顧從者曰。取帽來。二使曰。何遽至此。端曰。天子有制。問卽罪人矣。卽下堂。左遷衛尉少卿。逾月。拜叅知政事。時趙普在中書。常曰。吾觀呂公奏事。得嘉賞。未嘗喜。遇抑挫。未嘗懼。真台輔之器也。太宗欲相端。或曰。端爲人糊塗。太宗曰。

端小事糊塗大事不糊塗會曲宴後苑太宗作釣魚詩有
云欲餌金鉤深未達磻溪須問釣魚人意屬端也後數日
遂相端端爲相持重識大體以清簡爲務時同列奏對多
有異議惟端罕所建明○是○一日內出手札自今中書事必經
呂端詳酌乃得聞奏初李繼遷擾西鄙保安軍奏獲其母
太宗欲誅之以寇準居樞密獨召與謀準退過相幕端謂
準曰上戒君勿言於端乎準曰否告之故端曰何以處之
準曰欲斬於保安軍北門外以戒凶逆端曰必若此非計
之得也卽入奏曰昔項羽欲烹太公高祖曰願分我一盃
羹夫舉大事不顧其親况繼遷悖逆之人乎陛下今日殺

之明日繼遷可擒乎。若其不然，徒結冤讎，愈堅其叛心耳。太宗曰：「然則如何？」端曰：「以臣之愚，宜置于延州，使善視之，以招來繼遷。雖不卽降，終可以繫其心。而母生歿之命在我矣。」太宗拊髀稱善，曰：「微卿，幾誤我事。」其後母終於延州，繼遷歿，子竟納款，請命。端之力也。太宗不豫，端日與太子問起居。及疾大漸，內侍王繼恩忌太子英明，陰與叅知政事李昌齡等謀立故楚王元佐。端問疾禁中，見太子不在，傍疑有變，乃以笏書大漸字，令親密吏趣太子入侍。太宗崩，李皇后命繼恩召端。端知有變，卽給繼恩使人書閣檢。太宗先賜墨詔，遂鏤之而入。皇后曰：「宮車已宴駕，立嗣以

長順也。端曰：先帝立太子，正爲今日。今始棄天下，豈可遽違命有異議邪？乃奉太子。真宗旣立，垂簾引見羣臣。端平立殿下，不拜，請捲簾，升殿審視。然後降階，率羣臣拜，呼萬歲。真宗每見端，入對肅然拱揖，不以名呼。又以端軀洪大，宮庭階阼峻，特令梓人爲納陛焉。

李沆

李沆，字太初，肥鄉人。舉進士甲科。淳化二年，判吏部銓，嘗侍曲宴。太宗目送之，曰：李沆風度端凝，真貴人也。三年，叅知政事。四年，罷奉朝請，知河南。真宗卽位，擢官平章事，監修國史。會契丹犯邊，真宗北幸，命沆畱守。真宗還，沆迎于

郊命坐置酒慰勞久之真宗問治道所宜先沆曰不用浮薄新進喜事之人此最爲先問其人曰如梅詢曾致堯等是矣時李繼遷久叛有圖取朔方之意輔臣咸以爲靈州乃必爭之地苟失之則緣邊諸郡皆不可保學士楊億以爲此虜方黠其財猶豐未可以歲月破也須廢棄靈州退保環慶然後以計困之耳帝以訪沆沆曰繼遷不歿靈州非朝廷有也莫若遣使密召州將使部分軍民空壘而歸如此則關右之民息肩矣未幾而靈州陷帝由是益重之沆爲相王旦叅政事以西北用兵或至盱食旦歎曰我輩安能坐致太平優游無事耶沆曰少有憂勤足爲警戒他

日四方寧謐朝廷未必無事。沆又曰取四方水旱盜賊及
不孝惡逆之事奏聞上爲之慘然不悅。旦以爲細事不足
煩上聽。沆曰人主少年當使知四方艱難常懷憂懼不然
血氣方剛不留意聲色犬馬則土木甲兵禱祠之事作矣。
吾老不及見此叅政他日之憂也。沆沒後真宗以契丹旣
和。西夏納款遂封岱祠汾大營宮觀蒐講墜典靡有暇日。
旦乃以沆先識之遠嘆曰李文靖真聖人也。寇準與旦謂
善屢以謂才薦於沆。沆不用曰顧其爲人可使之在人上
乎。準曰如謂者相公終能抑之使在人下乎。沆笑曰他日
後悔當思吾言也。沆又嘗言居重位實無補惟中外所陳

利害一切報罷之。此少以報國耳。朝廷防制纖悉備具。或
徇所陳請施行一事。卽所傷多矣。景德元年七月卒。年五
十八。上趣駕往臨哭之。慟贈太尉中書令。謚文靖。沆性直
諒。頗通內典。接賓客寡言笑。時以爲無口。鮑其自奉甚薄。
治第封丘門內。廳事前僅容旋馬。或言其太隘。沆曰。居第
當傳子孫。此爲宰相廳事。誠隘。爲大祝。廳事已寬矣。後遇
疾。沐浴右臥而逝。時盛暑。停屍七日如生。沒後。或薦梅詢
可用。眞宗曰。李沆嘗言其非君子。其信倚如此。

韓琦

韓琦字稚圭。相州人也。弱冠舉進士。名在第二。方唱名。太

史奏曰下五色雲見拜右司諫權知制誥趙元昊又請夏
竦爲經略安撫招討使琦言元昊雖傾國入寇衆不過四
五萬吾逐路重兵自守勢分力弱遇敵輒不支若併出一
道鼓行而前破之必矣乃詔鄜延涇原同出兵元昊來求
盟琦曰無約而請和者謀也命諸將戒嚴賊果犯山外琦
悉兵付大將任福令自懷遠城趨德勝砦出賊後如未可
戰卽據險置伏要其歸路及行戒之至再又移檄申約苟
違節度雖有功亦斬福竟爲賊誘没于好水川竦使人收
散兵得琦檄於福衣帶間言罪不在琦會四路置帥以琦
兼秦鳳經略招討安撫使屯涇州元昊稱臣召爲樞密副

使琦與范仲淹富弼皆以海內人望同時登用羣小不便毀言日聞仲淹弼繼罷琦爲辯析不報乃請外知揚州定州久之求知相州嘉祐元年召拜樞密使三年拜同平章事帝春秋高旣連失三王自至和申得疾不能御殿中外惴恐臣下爭以立嗣同根本爲言積五六歲依違未行至是琦乘間進言帝曰朕有意久矣宮中常養二子小者甚純近不慧大者可也琦請其名帝以宗實告琦遂力贊之英宗卽位數日挂服柩前哀未發而疾暴作大呼左右皆走大臣駭愕痴立莫知所措琦投杖直趨至前抱入簾以授內人曰須用心照管仍戒當時見者曰今日事惟某人

見外人未有知者復就位哭處之若無事然初英宗以驚疑得疾疾雖平而疑未解每面壁臥不受藥琦率同僚自捧藥以進俯而懇告帝或熟視不言或取藥覆琦之衣琦跪於榻上者移時拜於床下者數四太后每勞琦曰相公亦不易勝矣蓋帝遇貂貓少恩左右不悅每道禁中隱密故大臣亦心惑之琦獨昌言曰豈有前殿不曾差了一語而一入官門得許多錯來琦深疑此事時大臣有不預立太子者陰進廢立之說琦奏事簾前太后忽問漢昌邑王事琦對曰漢有兩昌邑王不知所問何王耶后語既塞琦卽奏曰此語必有從來不知甚人於太后前道此事后亟

曰。無他。舊常聞耳。琦因從容曰。太后無親生兒女。今皇帝。自少鞠於宮中。皇后又是外甥。乃天安排此兒女。以遺太后。豈可不自愛惜。又謂太后曰。大大王長宜。且與照管。蓋謂神宗也。后含怒曰。尚欲舊窠中求兔耶。聞者驚懼。皆退。數步。琦獨曰。太后不要胡思亂量。少間。叅政歐陽修進曰。太后事仁宗數十年。仁聖之德著于天下。昔溫成之寵。太后處之裕然。今母子之間。反不能忍耶。后意稍和。修復進曰。仁宗在位歲久。德澤在人。故一日晏駕。天下稟命奉戴。嗣君。今太后一婦人。臣等五六措大爾。非仁宗遺意。天下誰肯聽從。琦又因奏罷。謂太后曰。太后既無親。出子。上幸。

養在宮中。父先帝有詔與子。其爲子母。不爲不順。若更懷猶豫。聽讒佞禍亂。必起立人之子。人皆知不若立已之子。然太后旣無子。不得不自認業。太后由此語塞。一日送密劄與琦。有爲孀婦作主之語。琦因見上曰。有一文字進呈。陛下今日皆太后力。恩不可不報。願加意承奉。便自無事。上曰。謹奉教。琦又云。此文字臣不敢畱。幸宮中密焚之。若泄。則間遂開。卒難合矣。後數日。琦獨見帝。帝曰。太后待我無恩。琦曰。自古聖帝明王。不爲不多。然獨稱舜爲大孝。豈其餘皆不孝耶。父母慈愛而子孝。此常事。不足道。惟父母不慈而子不失孝。乃可稱耳。帝大悟。自是不復言太后短。

矣。琦慮宮中或有不測。一日以言動太后。曰：「臣等在外面，不得見官家，內中保護全在太后。若官家失照管，太后亦好甚未安穩。」太后驚曰：「相公是何言語？自家更是用心。」琦卽曰：「太后照管則衆人自照管。同列爲縮頸流汗。琦潛察英廟已安，而曹后未有還政意。乃先建議英廟曰：『可妙妙一出祈雨，使天下之人識官家上然之咨。』太后怒曰：『獨不先稟此耶？』孩兒未安，恐未能出，且人主出不可以不備儀禮。琦曰：『此小事。』朝廷願指卽辦。不數日，素杖成。上遂幸相國寺。京師之疑已解。太后不久卽還政。曹后初未還政，琦力引古以動之。數日批出示。某日更不御殿。琦亟令捲簾撤坐。

入內都知任守忠者奸邪反覆間諜兩宮琦一日出空頭

敕一道叅政歐陽修已僉書矣趙槩難之修曰第書之韓

得此好帮手

公必自有說琦坐政事堂以頭子勾任守忠立庭下數之
曰汝罪當死責蘄州團練副使蘄州安置取空頭敕填之
差使臣卽日押行先是后對中書樞密泣訴英宗疾中語
言起居狀富弼亦以太后爲然故琦立勸太后撤簾不敢
令弼預聞太后還政拜琦右僕射封魏國公夏人寇大順
琦議停歲賜絕和市遣使問罪樞密使文彥博難之或舉
寶元康定事琦曰諒祚狂童也非有元昊智計而邊備過
當時遠甚亟詰之必服已而諒祚果上表謝罪神宗立拜

司空兼侍中、初英宗臥疾久、琦問起居退、神宗出寢門、顧琦曰、奈何、琦曰、願大王早暮當在上左右、神宗曰、此乃臣子之職、琦曰、非爲此也、神宗感悟而去、英宗初晏駕、急召上、未至、英宗復手動、曾公亮愕然、亟告琦、欲止召太子、琦曰、先帝復生、乃一太上皇、愈促召上、琦執政三世、或病其專、御史中丞王陶劾琦、除判相州、八年、換節、永興軍、再任、未拜而薨、年六十八、前一夕、大星墮于治所、櫪馬皆驚、琦蚤有盛名、識量英偉、其爲學士臨邊、甫三十、天下已稱爲韓公、嘉祐、治平、再決大策以安社稷、當是時、朝廷多故、琦處危疑之際、或謂公所爲誠善、萬一蹉跌、豈惟身不自保、

琦歎曰、是何言也、人臣盡力事君、歿生以之、至於成敗、天也、豈可豫憂其不濟、遂輟不爲哉、聞者愧服、在魏都又遼使每過、移諫必書名、曰以韓公在此故也、忠彥使遼、遼主問知其貌類父、命工圖之、英宗卽位、覃大慶於天下、濮安懿王所生父也、中書奏請下有司議、合行典禮、翰林學士王珪等議甫上、太后降手書云、濮王不當議稱皇考、上見太后手書驚駭、遽降詔罷議、後禮官范鎮等堅請必行、而臺官亦各有論列、上旣以太后之故、決意罷議、故凡有言者、一切畱中、言事者但乞早行皇伯之議、中書乃略草一事目進呈云、濮安王乃朕本生親也、羣臣咸請封崇、而子

無爵父之義、宜令中書門下、以瑩爲園、卽園立廟、令王子孫歲時奉祠、上覽之曰、如此極好、然須白過太后、乃可行、上又未暇白太后、中書亦更不議及、明年臺議復作、中書再將前所草事目進呈、乞降詔、上曰、待兩三日間、白過太后、是夕忽遣內侍降出太后手書云、濮王許皇帝稱親、又云、濮王宜稱皇、與中書所進詔草絕異、琦前奏曰、臣有一愚見、未知可否、上曰、如何、琦曰、今太后手書三事、其稱親一事、可以奉行、而稱皇稱后、乞陛下辭免、別降手詔、止稱親、而却以臣等前日所進呈詔草、以瑩爲園、以園立廟、令王子孫奉祠等事、便載手詔行出、上欣然曰、甚好、遂降手

詔云云、又慮中外不知詳悉、乃詔榜於朝堂曰、朕近奉太后慈旨、濮安懿王令朕稱親、朕惟漢史宣帝本生父稱親、謚曰悼、裁置奉邑、皆應經義、遂遵慈訓、而不敢當追崇之典、臺官呂誨等專執合稱皇伯、進封大國、朕以本生之親、改稱皇伯、歷考前世、並無典據、進封大國、則又禮無加爵之道、誨等奏促不已、忿其未行、乃引漢哀帝去恭皇定陶之號、立廟京師、封還告敕、擅不赴臺、明繳畱中之奏於中書、錄傳訕上之文於都下、暨手詔之出、誨等則以稱親立廟、皆爲不當、朕覽誨等前疏、亦云生育之恩、禮宜追厚、俟祥禪旣畢、然後講求典禮、褒崇本親、今又以稱親爲非、前

後之言自相牴牾兼以某等不顧義理更相唱和朕姑務
含容止命各以本官補外尚慮縉紳之間士民之衆不詳
本末理當申諭庶知朕意二詔皆琦所自草也治平三年
上疾革琦奏曰陛下久不視朝中外憂懼宜蚤建太子以
安衆心上領之琦請上親筆乃批曰立大王爲皇太子琦
曰大王乃賴王也煩請更書上又批云大王賴王某琦曰
乞卽晚宣麻制下卽設置東宮官屬由是國本遂定判相
州日眞○眞○陛辭上謂卿去誰可屬國者因問王安石琦曰爲翰
林學士則有餘處此地則不可先是琦知揚州王安石初
及第爲兪判每讀書至達旦略假寐日已高急上府多不

及盥漱琦疑安石或夜飲謂安石曰君少年幸毋廢書安石不荅退而言曰韓公非知我者後有人上琦書多用古字琦謂僚屬曰惜王廷評不在此其人頗識難字安石聞之益以爲輕已故安石每曰韓公形相好耳作畫虎圖以詆之不知安石乃畫虎不成者也琦言慶曆中與希文彥博同在西府上前爭事議論各別一日與希文議西事不合徑拂衣去琦自後把住其手云希文事便不容商量取琦姿貌偉特美鬚髯骨目森秀圖繪傳天下人以爲高山大嶽望之氣象雄傑而色育微細畜泄雲雨藏匿寶恠理空然也自謂才器須周足當四面入麓入細乃是經綸好

手故其論時望諸公皆不以經綸許之又謂成事在膽未嘗以膽許人蓋自許也近世宰相獨許裴度或問司馬光

大○是○

呂公著大用如何琦曰才偏規模小晚與歐陽修相知屢薦之于上曰韓愈唐之名士天下望以為相而竟不用談者至今以為謗歐陽修今之韓愈也而陛下不用臣恐後之談者謗必及國修亦深服琦之德量嘗曰累百歐陽修何敢望韓公或謂公之德量無愧於人但文章有所不逮琦曰某為相歐陽永叔為翰林學士天下文章孰大於是

藏書名臣傳卷十三

一經世名臣

魏相

魏相字弱翁，濟陰定陶人也。舉賢良，以對策高第爲茂陵令。頃之，御史大夫桑弘羊客，詐稱御史止傳，丞不以時謁。客怒，縛丞相，疑其有奸，收捕客，按致其罪，論棄市。後遷河南太守，禁止奸邪，豪強畏服。會丞相車千秋歿，先是千秋子爲洛陽武庫令，自見失父而相治郡嚴恐，久獲罪，乃自免去。相獨恨曰：「大將軍聞此令去官，必以爲我用丞相歿，不能遇其子，使當世貴人非我，殆矣。」武庫令西至長安，大

將軍霍光果以責過相曰幼主新立以爲函谷京師之固武庫精兵所聚故以丞相弟爲關東尉子爲武庫令今河南太守不深惟國家大策苟見丞相不在而斥逐其子何淺薄也後人有告相賊殺不辜事下有司河南卒戍中都官者二三千人遮大將軍自言願復畱作一年以贖太守罪河南老弱萬餘人守關欲入上書關吏以聞大將軍用武庫令事遂下相廷尉獄久繫踰冬會赦出復有詔守茂陵令遷揚州刺史考按郡國守相多所貶退相與丙吉相善時吉爲光祿大夫予相書曰朝廷已深知弱翁治行方且大用矣願少慎事自重藏器於身相心善其言爲霽威

嚴居部二歲徵爲諫議大夫復爲河南太守數年宣帝卽位徵相入爲大司農遷御史大夫四歲大將軍霍光薨上思其功德以其子禹爲右將軍兄子樂平侯山復領尚書事相因平恩侯許伯奏封事言春秋譏世卿惡宋三世爲大夫及魯季孫之專權皆危亂國家今光歿子復爲大將軍兄子秉樞機昆弟諸壻據權勢任兵官光夫人顯及諸女皆通籍長信宮或夜詔門出入驕奢放縱恐寢不制宜有以損奪其權破散陰謀以固萬世之基全功臣之世又故事諸上書者皆爲二封署其一曰副領尚書者先發副封所言不善屏去不奏相復因許伯白去副封以防壅蔽

宣帝善之，詔相給事中，皆從其議。霍氏殺許后之謀始得，上聞，乃罷其三侯，令就第，親屬皆出補吏。于是韋賢以老病免，相遂代爲丞相，封高平侯，食邑八百戶。及霍氏怨相，又憚之，謀矯太后詔，先召斬丞相，然後廢天子，事發覺，伏誅。宣帝始親萬機，勵精爲治，練羣臣，核名實，而相總領衆職，甚稱上意。相明易經，有師法，好觀漢故事，及便宜章奏，以爲古今異制，方今務在奉行故事而已。數條漢興已來國家便宜行事，及賢臣賈誼、鼂錯、董仲舒等所言，奏請施行之，上皆納用焉。相勅掾史案事郡國，及休告，從家還至府，輒白四方異聞，或有逆賊、風雨災變，郡不上，相輒奏言。

之時丙吉爲御史大夫、同心輔政、上皆重之、視事九歲、神爵三年薨、謚曰憲侯。

江統

江統字應元、陳畱人也、靜默有遠志、時人爲之語曰、疑然、稀言、江應元、除山陰令、時關隴屢爲氐羌所擾、統深惟四夷亂華、空杜其萌、乃作徙戎論、其辭曰、夫夷蠻戎狄、謂之四夷、四夷之中、戎狄爲甚、弱則畏服、強則侵叛、故匈奴求守邊塞、而侯應陳其不可、單于屈膝未央、而望之議以不臣、是以有道之君、牧夷狄也、惟以待之有備、禦之有常、雖稽顙執贄、而邊城不弛固守、雖寇賊侵暴、而兵甲不加遠。

征期令境內獲安、疆場不侵而已、及至周室失統、諸侯專
征、戎狄乘間得入中國、或招誘安撫以爲已用、故申繒之
禍、顛覆宗室、襄公要秦、據興姜戎、當春秋時、義渠大荔、居
秦晉之域、陸渾陰戎、處伊洛之間、鄭瞞之屬、害及濟東、侵
入齊宋、陵虐邢衛、齊桓攘之、存亡繼絕、北伐山戎、以開燕
路、故仲尼稱管仲之力、嘉左社之功、逮至戰國、楚吞蠻氏、
晉剪陸渾、趙武胡服、開榆中之地、秦雄咸陽、滅義渠之等、
始皇并天下、南兼百越、北走匈奴、當是時、中國無復四夷
也、漢興、西都長安、及至王莽之敗、西都荒毀、建武中以馬
援領隴西太守討叛羌、徙其餘種於關中、居馮翊河東、空

地與華人雜處數歲之後族類蕃息恃其肥彊又苦漢人
侵之永初之元騎都尉王弘使西域發調羌氏以爲行衛
于是羣羌奔駭互相扇動二州之戎一時俱發覆沒將守
屠破城邑鄧騭征之與尸喪師諸戎遂熾至于南入蜀漢
東掠趙魏唐突軹關侵及河內及遣北中軍侯朱寵將五
營士於孟津距羌十年之中夷夏俱斃任尚馬賢僅乃克
之此所以爲害深重累年不定也雖由禦之無方將非其
木亦豈不以寇發心腹害起肘腋疾篤難療瘡大遲愈之
故哉自此之後餘燼不盡小有際會輒復侵叛馬賢狃怵
終於覆敗段熲臨衝自西徂東雍州之戎常爲國患漢末

關中殘滅魏興與蜀分隔疆場之戎一彼一此魏武帝令將軍夏侯妙才討叛氏阿貴千萬等後因拔棄漢中遂徙武都之種於秦川欲以弱寇疆國扞禦蜀虜此蓋權宜之計一時之勢非萬世之利也今者當之已受其弊矣夫關中土沃物豐厥田上上加以涇渭之流漑其烏鹵鄭國白渠灌浸相通黍稷之饒畝號一鍾百姓謠詠其殷實未聞戎狄空在此上也夫戎狄志態不與華同而因其衰弊遷之畿服士庶翫習侮其輕弱使其怨恨之氣毒於骨髓至於蕃育衆盛則坐生其心以貪悍之性挾憤怒之情候隙乘便輒爲橫逆而居封域之內無障塞之隔掩不備之人

收散野之積故能爲禍滋蔓暴害不測此必然之勢已驗
之事也當今之安安及兵威方盛衆事未罷徙馮翊北地
新平安定界內諸羌著先零罕开析支之地徙扶風始平
京兆之氏出還隴右著陰平武都之界廩其道路之糧令
足自致各附本種及其舊土使屬國撫夷就安集之戎晉
不雜並得其所上合徃古卽敘之義下爲盛世永久之規
縱有猾夏之心風塵之警則絕遠中國隔越山河雖有寇
暴所害不廣是以充國子明能以數萬之衆制羣羌之命
有征無戰全軍獨剋也難者曰方今關中之禍暴兵二載
征戍之勞師老十萬凶逆旣戮悔惡初附百姓望寧息之

期若枯旱之思雨而子方欲作役起徒使疲悴之衆徒自猜之寇以無穀之人遷乏食之虜恐羌戎離散心不可一前害未及弭而後變復橫出矣荅曰羌戎狡猾擅相號署攻城野戰傷害牧守連兵聚衆載離寒暑矣而今異類瓦解同種土崩老幼繫虜丁壯降散禽離獸迸不能相一者子以此等爲尚挾餘資悔惡反善懷我德惠而來柔附乎將勢窮道盡智力俱困懼我兵誅以至於此也曰無有餘力勢窮道盡故也然則我能制其短長之命而令其進退由已矣夫樂其業者不易事安其居者無遷志方其自疑危懼畏怖促遽故可制以兵威使之左右無違也迨其死

亡散離與關中人戶爲難故可遐遷遠處令其心不懷土也。且關中之人百餘萬口率其少多戎狄居半處之與遷必須口實若有窮乏糝粒不繼故當傾關中之穀以全其生。今我遷之傳食而至附其種族自使相贍而秦地之人得其半穀此爲濟行者以廩糧遺居者以積倉寬關中之逼去盜賊之原除旦夕之損建終年之益若憚暫舉之小勞而忘永逸之弘策惜日月之煩苦而遺累世之寇敵非所謂開物成務創業垂統崇基拓迹謀及子孫者也。時不能用未及十年而夷狄亂華中原不守可勝恨哉。

馬周

馬周字賓王博州茌平人也天資曠邁鄉人以其不謹細薄之武德中補州助教不治事刺史達奚恕數加誚讓周乃去客密州趙仁本高其才給使入關周畱客汴爲俊儀令崔賢所辱乃遂感激而西去舍新豐逆旅主人又不之顧周命取酒一斗八升獨酌而醉至長安舍中郎將常何家時貞觀五年也方詔百官極言得失何武人不學周因爲條二十餘事太宗怪而問之何曰此非臣所能家客馬周教臣言也帝卽令召客未至遣使者四輩趨促及謁見與語大悅詔立門下省明年拜監察御史奉使稱職帝以何得人賜帛三百疋周上疏其略曰臣伏見詔書宗室功

臣悉就藩國、貽厥子孫、世守其政、臣謂宗室功臣、宜思所以安存之、富貴之、不必世官也、堯舜之父、有朱均之子、設有不肖、襲封嗣職、正欲絕之、則子文之治、猶在、正欲存之、則欒黶之惡、已暴、與其毒害於見存之人、寧割恩於已亡之臣、則向所謂愛之重之者、適所以傷之也、臣謂宜賦以茅土、疇以戶邑、必有材行、乃隨器而授、漢光武不任功臣、以吏事、所以終全其身者、良以此也、帝善其言、除侍御史、又言、往貞觀初、率土霜儉、匹絹纔易斗米、而天下帖然者、百姓知陛下憂憐之故、人人自安、無謗讟也、五六年來、頻歲豐稔、匹絹至易粟十餘斛、而百姓咸怨、以爲陛下不憂

憐之何者、營爲者多不急之務也。夫儉以息人、貞觀初、陛下躬爲之、今行之不難也。里語曰、貧不學儉、富不學奢。言其自然也。疏奏、帝稱善、擢中書舍人。周善敷奏、機辯明銳、帝每曰、我覲不見周、卽思之。侍中岑文本曰、馬君論事、論文切理、聽之纚纚、令人忘倦。然鳶肩火色、騰上必速、恐不能久。十八年、遷中書令。二十二年卒、年四十八。贈幽州都督。初、帝遇周厚、周頗自負、爲御史時、遣人以圖購宅、衆以其興書生、素無貲、皆竊笑之。他日、白有佳宅、直二百萬、真君臣一體也周遽以聞。帝卽詔有司給直、并賜奴婢什物。子載咸亨中爲司列少常伯、與裴行儉分掌選事。故言吏部者、稱裴馬。

焉

李德裕

官生

李德裕字文饒吉甫子德裕卓犖有大節不喜與諸生試
有司吉甫勉之荅曰好驢馬不入隊行遂以蔭補校書郎
穆宗卽位擢翰林學士始吉甫相憲宗牛僧孺李宗閔對
直言策痛詆吉甫吉甫泣訴於帝有司皆得罪遂與爲怨
吉甫又爲帝謀討兩河叛將李逢吉沮解其言功未旣而
吉甫卒裴度實繼之逢吉以議不合罷去故追銜吉甫而
怨度擯德裕不得進至是間帝誅度使與元稹相怨奪其
相位而已代之欲引僧孺益樹黨而牛李之憾結矣僧孺

亦爲上所厚、乃以僧孺同平章事、而出德裕爲浙西觀察、使敬宗立、侈用無度、詔浙西上脂盞糒具、德裕奏比年旱災、物力未完、乃三月壬子、赦令常貢之外、悉罷進獻矣、今本道所存者、惟畱使錢五十萬緡、率歲經費常少十三萬、軍用褊急、今所須脂盞糒具、度用銀二萬三千兩、金百三十兩、物非土產、雖力營索、尚恐不逮、願詔宰相議、何以俾臣不違詔旨、不乏軍興、不疲人、不歛怨、則前敕後詔、咸可遵承、不報、又詔索盤絲繚綾千疋、德裕復奏言、太宗時、使至涼州、見名鷹、諷李大亮獻之、大亮諫止、賜詔嘉歎、玄宗時、使者抵江南、捕鵠翠鳥、汴州刺史倪若水言之、卽見

褒納皇甫詢織半臂造琵琶捍撥鏤牙簫於益州蘇頲不
奉詔帝不加罪夫鵠鵲鏤牙微物也二三臣尚以勞人損
德爲言豈二祖有臣如此今獨無之蓋有位者蔽而不聞
妙人非陛下拒不納也帝爲優詔停止焉時帝數遊幸狎比羣
小聽朝簡忽德裕上丹宸六箴表辭皆明直婉切帝雖不
能用猶敕韋處厚作詔厚荅其意德裕又畱江介心戀闕
延因事寄情望廻聖獎然爲逢吉排竿訖不內徙在浙西
八年太和三年召拜兵部侍郎裴度薦德裕材堪宰相而
李宗閔以中人助先秉政乃又出德裕爲鄭滑節度使引
僧孺協力罷度政事二怨相濟凡德裕所善悉逐之於是

二人權震天下、黨人牢不可破矣、踰年徙劔南西川、蜀自南詔入寇、敗杜元穎、而郭釗代之、病不能事、民失職無聊、德裕至、完殘、奮怯、皆有條次、始韋臯招來南詔、復巂州、傾內資、結蠻好、示以戰陣文法、德裕以臯啟戎資益、其策非是、至元穎時、遇隙而發、故長驅深入、蹂躪千里、蕩無孑遺、今癡夷尚新、非痛矯革、不能刷一方恥、乃建籌邊樓、按南道山川險要、與蠻相入者、圖之左、西道與吐蕃接者、圖之右、其部落衆寡、饋餉遠邇、曲折咸具、乃請甲人於安定、弓人於河中、弩人於浙西、繇是蜀之器械皆犀利、率戶二百取一人、使習戰、貸勿事、緩則農、急則戰、謂之雄邊子弟、築

仗義城以制大度清溪關之阻作禦侮城以控榮經犄角
勢作柔遠城以扼西山吐蕃復邛崃關徙舊州治臺登以
奪蠻險於是二邊寢懼南詔還所俘掠四千人吐蕃維州
將悉怛謀遂以城降德裕請於朝僧孺居中沮其功曰吐
蕃之境四面各萬里失一維州未能損其勢比來修好約
罷戎兵中國禦戎守信爲上彼若來責曰何事失信養馬
蔚茹川上平涼阪萬騎綴回中怒氣直辭不三日至咸陽
橋此時西南數千里外得百維州何所用之徒棄誠信有
害無利命返悉怛謀於虜以信所盟吐蕃盡誅之境上德
裕終身以爲恨會監軍使王踐言入朝盛言悉怛謀歿拒

遠人向化、帝亦悔之、尤僧孺失策、僧孺內不自安、累表請
罷、乃以僧孺充淮南節度使、而以李德裕爲兵部尚書、俄
而宗閔罷、德裕代爲中書侍郎、又坐論李訓、鄭注爲宗閔
所譖、出爲鎮海觀察使、再貶袁州長史、德裕與宗閔既有
黨、上甚患之、嘆曰、去河北賊易、去朝中朋黨難、未幾、宗閔
以罪斥、而注、訓等敗、帝悟、乃以德裕爲太子賓客、分司東
都、開成中、遷德裕淮南節度使、武宗立、召爲門下侍郎、同
平章事、初、德裕父吉甫年五十一、出鎮淮南、五十四歲自
淮南復相、今德裕鎮淮南、復入相、一如父之年、當世榮之
此入謝、卽進言治亂繫信任、引齊桓公問管仲所以害霸

者。仲對瑟琴笙等。弋獵馳騁。非害霸者。惟知人不能舉。舉不能任。任而又雜以小人。害霸也。又追論維州事云。維州

○上與○切○至○到○

據高山絕頂。三面臨江。在戎虜平川之衝。是漢地入兵之路。初河隴盡沒。惟此獨存。吐蕃潛以婦人嫁此州門者。二十年後。兩男長成。竊開壘門。引兵夜入。遂爲所陷。號曰無憂城。從此得併力於西邊。更無虞於南路。憑陵近甸。盱食。系朝。貞元中。韋臯欲經略河湟。須此城爲始。萬旅盡銳。急攻數年。雖擒論莽熱而還。城堅卒不可克。臣初到西蜀。外揚國威。中緝邊備。其維州熟臣信令。空壁來歸。臣始受其降。南蠻震懾。山西八國皆願內屬。其吐蕃合水。棲雞等城。

既失險阨、自須抽歸、可減八處鎮兵、坐收千里舊地、且維
州未降前一年、吐蕃猶圍魯州、豈顧盟約、臣受降之初、指
天爲誓、面許奏聞、各加酬賞、當時不與臣者、望風疾、臣詔
臣執送、悉怛謀等、令彼自戮、臣累表陳論、乞垂矜捨、荅詔
嚴切、竟令執還、體備三木、輿於竹畚、及將就路、冤叫嗚嗚、
將吏對臣、無不隕涕、其部送者、更爲蕃帥譏誚、云既以降
彼、何須送來、復以此降人戮於漢境之上、恣行殘忍、用固
攜離、至乃擲其嬰孩、承以槍槊、絕忠款之路、決兇虐之情、
從古以來、未有此事、雖時更一紀、而運屬千年、乞追獎忠
魂、各加褒贈、詔贈悉怛謀、右衛將軍、是時已擊敗回鶻、未

幾澤潞劉從諫歿其從子稹擅留事以邀節度德裕請用
兵討稹稹伏誅策功拜太尉進封趙國公德裕固讓言唐
興太尉惟七人尚父子儀乃不敢拜裴度爲司徒十年亦
不遷臣願守舊秩足矣乃改封衛國公韋弘質見德裕嚮
用因建言宰相不可兼治錢穀德裕奏言管仲明於治國
其語曰國之重器莫重於令令重君尊君尊國安治人之
本莫要於令故曰虧令者歿益令者歿不行令者歿畱令
者歿不從令者歿五者無赦又曰令在上而論可否在下
是主威下繫於人也傳曰下輕其上爵賤人圖柄臣則國
家搖動而下人不靜今弘質爲人所教而言是圖柄臣者

也、昔蕭望之漢名儒爲御史大夫奏云、歲首日月光少、咎在臣等、宣帝以望之意、輕丞相、下有司詰問、貞觀中監察御史陳師合上言人之思慮有限、一人不可總數職、太宗曰、此欲離間我君臣、斥之嶺外、臣謂宰相有姦謀隱慝、則人人皆得上論、至於制置職業、人主之柄、非小人所得干也、時天下已平、德裕當國、凡六年、方用兵、時決策制勝、他相無與、故威名獨重於時、宣宗卽位、德裕奉冊太極殿、帝退謂左右曰、向行事近我者、非太尉耶、顧我髦髮爲森豎、翌日罷爲荆南節度使、俄徙東都、畱守、白敏中令狐綯崔鉉使黨人李咸斥德裕陰事、又貶潮州司馬、明年又導吳

汝訥訟李紳殺吳湘事貶爲崖州司戶叅軍事明年卒年六十三德裕旣沒見夢令狐綯曰公幸哀我使得歸葬綯語其子瀉瀉曰執政其憾可乎旣夕又夢懼曰衛公精爽可畏不言禍將及綯白帝乃以喪還白敏中德裕所薦也德裕明辯有風采善爲文章雖至大位猶不去書其謀議援古爲質衮衮可喜常以經綸天下自爲武宗知而能任之言從計行是時王室幾中興德裕所居安邑里第有院號起草有亭曰精思每計大事則處其中雖左右侍御不得預不喜飲酒後房無聲色娛嘗言昔玄宗以臨淄王定內難自是疑忌宗室不令出閣天下皆以爲幽閉骨肉

虧傷人倫。曩使天寶之末，建中之初，宗室散處方州，何至
爲安祿山、朱泚所魚肉哉？初，德裕爲翰林學士，禮部侍郎
錢徽掌貢舉，西川節度使段文昌、翰林學士李紳各以書
屬所善進士於徽，及榜出，無之。及第者鄭朗、覃之弟、裴謨
度之子、蘇巢、宗閔之壻也。文昌言於上曰：「今歲禮部不公，
所進士皆弟子無藝。」上以問諸學士，德裕、稹、紳皆曰：「誠如
文昌言。」上乃貶徽江州刺史，宗閔、劔川刺史。或勸徽奏文
昌紳屬書，徽曰：「苟無媿心，得喪一致，奈何？」奏人私書邪？取
書焚之。自是德裕、宗閔各分朋黨，更相傾軋，垂四十年。李
逢吉用事時，所親厚及附麗者甚衆，時人目爲八關十六

子焉逢吉去而後德裕進德裕計澤潞及回鶻計畫甚長
遭遇武宗可謂行其志矣

郭崇韜

郭崇韜鴈門人莊宗卽位拜崇韜樞密使梁王彥章擊破
德勝唐軍大敗歸莊宗問計崇韜崇韜曰彥章圍我意在
取鄆州耳臣願得兵數千據下流築壘於必爭之地以應
鄆州爲名彥章必來爭旣分其兵乃可圖也然板築之功
難卒就陛下空以精兵挑戰使彥章兵不得來十日壘成
矣莊宗以爲然乃遣崇韜將數千人夜行所過驅掠居人
毀屋伐木渡河築壘於博州東晝夜督役果六日而壘成

彥章引兵到莊宗迎擊大破之。是時唐已失德勝。梁兵日掠澶相、黎陽、衛州。而李繼韜以澤潞叛入于梁。契丹復犯幽涿。諸將皆曰：「唐得鄆州，隔河難守，不若棄鄆與梁，而西取衛州、黎陽，以河爲界，與梁約，罷兵毋相攻。」莊宗不悅。退臥帳中。召崇韜問計。崇韜曰：「陛下興兵仗義，將士疲戰爭，生民苦轉餉者十餘年矣。況今大號已建，自河以北，人皆引首以望成功。今得鄆州，不能守而棄之，雖欲指河爲界，誰爲陛下守邪？願陛下分兵守魏，而自鄆州疾驅擣其巢穴，不出半月，天下定矣。」莊宗大喜，因問司天司天言歲不利。崇韜曰：「古者命將鑿凶門而出，況成筭已決，區區常談。」

何足信也。莊宗遂卽日下令軍中歸其家屬於魏。夜渡楊
劉從鄆州入襲汴州。八日而滅梁。莊宗推功賜崇韜鐵券。
崇韜未嘗居戰陣。徒以謀議居佐命第一之功。位兼將相。
遇事無所回避。而宦官伶人用事者甚不便之。崇韜頗懼。
語其故人子弟曰。吾佐天子取天下。今大功已就。而羣小
交興。吾欲避之。歸守鎮陽可乎。故人子弟皆對曰。俚語曰。
騎虎者勢不得下。今公權位已隆。而下多怨嫉。一失其勢。
何能自安。崇韜曰。然則奈何。對曰。今中宮未立。而劉氏有
寵。宜請立劉氏爲皇后。而多建天下利害以便民者。然後
退而乞身。天子以公有大功而無過。必不聽公去。是外有

避權之名、而內有中宮之助、又爲天下所悅、雖有讒間、不可動矣。崇韜以爲然、乃上書請立劉氏爲皇后。崇韜素廉、自從入洛、始受四方賂遺、故人子弟或以爲言。崇韜曰：「吾位兼將相、祿賜巨萬、豈少此耶？今藩鎮諸侯多梁舊將、皆主上斬祛射鉤之人也。今一切拒之、能無反側？明年天子有事南郊、崇韜乃悉獻其所藏以佐賞給。」莊宗已郊、遂立劉氏爲皇后。同光三年夏、霖雨不止、莊宗思得高樓避暑、乃遣宮苑使王允平營之。左右皆曰：「郭崇韜眉頭不伸、嘗爲租庸惜財、陛下雖欲改作、其可得乎？」莊宗乃使人問崇韜曰：「昔吾與梁對壘於河上、雖祁寒盛暑、被甲跨馬、不以

爲勞、今居深宮、蔭廣厦、反不勝其熱、何也、崇韜對曰、陛下

道理可厭

昔以天下爲心、今以一身爲意、艱難逸豫、爲慮不同、願陛下無忘創業之難、常如河上、則可使煩暑坐變清凉矣、莊宗默然不悅、卒遣允平起樓、崇韜果切諫、左右因譖之曰、崇韜之第、無異皇居、安知陛下之熱、由是讒間愈入、明年征蜀、議擇大將、時明宗爲總管當行、而崇韜恐以讒見危、思立大功爲自安之計、乃請以親王爲元帥、率師討之、莊宗乃以繼岌爲西南面行營都統、崇韜爲招討使、率大軍入蜀、蜀平、崇韜語繼岌曰、王有破蜀大功、師旋必爲太子、俟主上萬歲後、當盡去宦官、繼岌監軍李從襲等聞之、咸

切齒此言莊宗聞蜀破遣宦官向延嗣勞軍崇韜又不郊
迎延嗣發怒因與從襲等共構之延嗣歸讒之劉后后泣
訴於帝莊宗大怒及孟知祥爲西川節度使將行帝令誅
崇韜并其子廷誨廷信崇韜有五子其二從歿餘皆見殺
崇韜自以爲子儀之後其伐蜀也過子儀墓下馬號慟而
去聞者頗以爲笑然崇韜盡忠國家有大略其已破蜀因
遣使者以唐威德風諭南詔諸蠻欲因以綏來之其不幸
被讒以歿信矣哉盈滿之難居也利令智昏貪令人愚也







